

সূচীপত্র

বিষয়

যিলহজ্জ

পৃষ্ঠা নং

■ আরফা দিবস	৫৪৮
■ হজ্জ	৫৫১
■ হজ্জের ফযিলত	৫৫১
■ হজ্জ সর্বোত্তম আমল	৫৫২
■ হজ্জ দ্বারা গুনাহ মাফ হয়	৫৫২
■ তাড়াতাড়ি হজ্জ করার তাগিদ	৫৫৪
■ হজ্জে বদল	৫৫৫
■ হজ্জ পরিত্যাগ করার পরিণাম	৫৫৬
■ কুরবানীর দিনের ফযিলত	৫৫৮
■ আদম (আ.)'র দুই পুত্রের কুরবানীর ঘটনা	৫৫৯
■ কুরবানীর উদ্দেশ্য	৫৬৪
■ আইয়্যামে তাশরীক	৫৬৪
■ নামকরণ	৫৬৪
■ পরিশিষ্ট	
■ নফল নামাযের ফযিলত	৫৬৫
■ তাহিইয়্যাতুল উযূর নামায ও নিয়্যত	৫৬৭
■ তাহিইয়্যাতুল মসজিদের নামায ও নিয়্যত	৫৬৮
■ চাশতের ও ইশরাকের নামায	৫৬৯
■ ইশরাকের নামাযের নিয়্যত	৫৭১
■ চাশতের নামাযের নিয়্যত	৫৭১
■ হাজতের নামায	৫৭১
■ নিয়্যত	৫৭৩
■ ইস্তিখারার নামায	৫৭৪
■ নিয়্যত	৫৭৫
■ আওয়াবীন নামায	৫৭৫
■ নিয়্যত	৫৭৬

■ সালাতুত তাসবীহ	৫৭৬
■ নিয়্যত	৫৭৭
■ তাহাজ্জুদের নামায	৫৭৭
■ নিয়্যত	৫৭৯
■ আইয়্যামে বীযের রোযার ফযিলত	৫৭৯
■ আইয়্যামে বীযের নামকরণ	৫৮১
■ সাপ্তাহিক দিন-রাতের নফল নামায	৫৮৩
■ শনিবার দিনের নামায	৫৮৩
■ শনিবার রাতের নামায	৫৮৩
■ রবিবার দিনের নামায	৫৮৪
■ রবিবার রাতের নামায	৫৮৪
■ সোমবার দিনের নামায	৫৮৫
■ সোমবার রাতের নামায	৫৮৬
■ মঙ্গলবার দিনের নামায	৫৮৭
■ মঙ্গলবার রাতের নামায	৫৮৭
■ বুধবার দিনের নামায	৫৮৭
■ বুধবার রাতের নামায	৫৮৮
■ বৃহস্পতিবার দিনের নামায	৫৮৮
■ বৃহস্পতিবার রাতের নামায	৫৮৯
■ জুমাবার দিনের নামায	৫৮৯
■ জুমাবার রাতের নামায	৫৯০
■ এ মাসে ওফাতপ্রাপ্ত মনীষীগণ	৫৯১

যিলহজ্জ

‘যিলহজ্জ’ মাস হজ্জের মাস। এ মাসের গুরুত্ব অপরিসীম। এটি চন্দ্র মাসের সর্বশেষ মাস। বিশেষত এ মাসের প্রথম দশদিনের ফযিলত সম্পর্কে পবিত্র কুরআন ও হাদিসে বিশেষভাবে বর্ণিত হয়েছে। যেমন আল্লাহ তায়ালা এরশাদ করেন— **وَالْفَجْرِ ، وَلَيَالٍ عَشْرٍ** ফজরের শপথ! দশরাত্রির শপথ।^{১৫৯০}

ইবনে আব্বাস (রা.) মুজাহিদ ও ইকরামা (র.)’র মতে **وَلَيَالٍ عَشْرٍ** দ্বারা যিলহজ্জ মাসের প্রথম দশ রাত উদ্দেশ্য। আল্লাহর বাণী **مَعْلُومَاتٍ اللَّهُ فِي أَيَّامٍ** সম্পর্কে ইবনে আব্বাস (রা.) বলেন, **مَعْلُومَاتٍ** দ্বারা যিলহজ্জ মাসের দশদিন বুঝানো হয়েছে আর **مَعْلُودَاتٍ** দ্বারা আইয়্যামে তাশরীককে বুঝানো হয়েছে।^{১৫৯১} আল্লাহর বাণী **وَيَذْكُرُوا اسْمَ اللَّهِ فِي أَيَّامٍ مَعْلُومَاتٍ** দ্বারা জমহুর ওলামাদের মতে, যিলহজ্জ মাসের প্রথম দশদিন।^{১৫৯২} বুখারী শরীফে ইবনে আব্বাস (রা.) থেকে বর্ণিত আছে, নবী করিম ﷺ এরশাদ করেন— **قَالَ: «مَا الْعَمَلُ فِي أَيَّامٍ أَفْضَلَ مِنْهَا فِي هَذِهِ؟» قَالُوا: «وَلَا الْجِهَادُ؟» قَالَ: «وَلَا»** যিলহজ্জ মাসের প্রথম দশদিনের আমল অন্যান্য দিনের আমলের তুলনায় উত্তম। তারা জিজ্ঞাসা করলেন, জিহাদও কি (উত্তম) নয়? নবী করিম ﷺ এরশাদ করলেন— জিহাদও উত্তম নয়। তবে সে ব্যক্তির কথা স্বতন্ত্র, যে নিজের জান ও মালের বুঝি নিয়েও জিহাদ করে কিছুই নিয়ে ফিরে আসেনা অর্থাৎ শাহাদাত বরণ করে।^{১৫৯৩}

হযরত আবু হোরাইরা (রা.) থেকে বর্ণিত, নবী করিম ﷺ এরশাদ করেন— **مَا مِنْ أَيَّامٍ أَحَبُّ إِلَى اللَّهِ أَنْ يُعْبَدَ لَهُ فِيهَا مِنْ عَشْرِ ذِي الْحِجَّةِ، يَعْدِلُ صِيَامُ كُلِّ يَوْمٍ مِنْهَا بِصِيَامِ سَنَةٍ، وَيَلْتَمِسُ كُلُّ لَيْلَةٍ مِنْهَا بِقِيَامِ لَيْلَةِ الْقَدْرِ** যিলহজ্জ মাসের প্রথম দশদিনের ইবাদতের চেয়ে আল্লাহর কাছে অন্য কোন ইবাদত অতি প্রিয় নয়। এ দিনগুলোতে রোযা রাখলে পুরো বছর রোযা রাখার সমান সওয়াব পাওয়া যায় এবং এ রাতগুলোতে কিয়ামুল লাইল করলে লাইলাতুল কদরে কিয়ামুল লাইলের সমান সওয়াব পাওয়া যায়।^{১৫৯৪} হযরত

^{১৫৯০} সূরা ফজর, আয়াত: ১-২

^{১৫৯১} মুহাম্মদ ইবনে ইসমাঈল বুখারী (র.) (২৫৬ হি) বুখারী শরীফ, অনুচ্ছেদ নং-৬১২

^{১৫৯২} সূরা হাজ্জ, আয়াত-২৮

^{১৫৯৩} মুহাম্মদ ইবনে ইসমাঈল বুখারী (র.) (২৫৬ হি) বুখারী শরীফ, অনুচ্ছেদ নং-৬১২

^{১৫৯৪} আবু দ্বিসা তিরমিযী (র.), তিরমিযী শরীফ, ৩/১২২/৭৫৮ ও ইবনে মাজাহ (র.), ইবনে মাজাহ শরীফ, সিয়াম, ১/৫৫১/৭২৮)

আনাস ইবনে মালিক (রা.) থেকে বর্ণিত, যিলহজ্জ মাসের প্রতিটি দিন অন্য মাসের এক হাজার দিনের সমান আর আরাফার দিন হলো অন্য মাসের ফযিলতের দিক দিয়ে দশ হাজার দিনের সমান।^{১৫৯৫}

হযরত হাসান (রা.) থেকে বর্ণিত, যিলহজ্জ মাসের প্রথম দশদিনের মধ্যে একদিনের রোযা অন্য সময়ের দু'মাস রোযা রাখার সমান। নবী করিম ﷺ এর কোন কোন স্ত্রী থেকে বর্ণিত আছে যে, **ان النبي صلى الله عليه وسلم كان لا يدع صيام تسع ذي الحجة** নবী করিম ﷺ যিলহজ্জ মাসের প্রথম নয় দিনের রোযা তরক করতেন না।^{১৫৯৬}

যিলহজ্জের প্রথম দশদিন রোযা রাখা বলতে প্রথম নয় দিন উদ্দেশ্য। কেননা দশ তারিখ হলো কুরবানী। এদিন রোযা রাখা সম্পূর্ণ নিষেধ। ইমাম আহমদ (র.) ইবনে ওমর (রা.) থেকে বর্ণনা করেন— **عَنِ النَّبِيِّ صَلَّى اللَّهُ عَلَيْهِ وَسَلَّمَ، قَالَ: " مَا مِنْ أَيَّامٍ أَعْظَمُ عِنْدَ اللَّهِ وَلَا أَحَبُّ إِلَيْهِ مِنَ الْعَمَلِ فِيهِنَّ مِنْ هَذِهِ الْأَيَّامِ الْعَشْرِ، فَأَكْثَرُوا فِيهِنَّ مِنَ التَّهْلِيلِ وَالتَّكْبِيرِ وَالحَمْدِ** নবী করিম ﷺ এরশাদ করেন, যিলহজ্জ মাসের প্রথম দশদিনের আমলের চেয়ে অধিক গুরুত্বপূর্ণ ও অধিক প্রিয় কোন আমল আল্লাহর নিকট নেই। অর্থাৎ এই দিনগুলোর আমল আল্লাহর কাছে সবচেয়ে প্রিয়।^{১৫৯৭}

হযরত জাবির (রা.) থেকে বর্ণিত, নবী করিম ﷺ এরশাদ করেন— **مَا مِنْ أَيَّامٍ أَفْضَلُ** আল্লাহর নিকট যিলহজ্জ মাসের প্রথম দশদিনের ফযিলত সবচেয়ে বেশী।^{১৫৯৮}

হযরত কা'ব (রা.) থেকে বর্ণিত, তিনি বলেন, আল্লাহ তায়ালা কালের মধ্যে শাহরুল হারামকে পছন্দ করেছেন, শাহরুল হারামের মধ্যে যিলহজ্জকে পছন্দ করেছেন এবং যিলহজ্জ মাসের মধ্যে প্রথম দশদিনকে পছন্দ করেছেন।^{১৫৯৯}

ইবনে আব্বাস (রা.) থেকে বর্ণিত, **مَا مِنْ الشُّهُورِ شَهْرٍ أَكْبَرُ حُرْمَةً مِنْ ذِي الْحِجَّةِ** মাসসমূহের মধ্যে সম্মানের দিক দিয়ে যিলহজ্জ মাস উত্তম।^{১৬০০}

আবু সাঈদ খুদুরী (রা.) নবী করিম ﷺ থেকে বর্ণনা করেন— **سَيِّدُ الشُّهُورِ رَمَضَانُ** রমযান মাস হলো সকল মাসের সর্দার তথা শ্রেষ্ঠ আর সম্মানের দিক দিয়ে যিলহজ্জ মাস হলো সর্বোত্তম।^{১৬০১} হযরত সাঈদ ইবনে জুবাইর (রা.) বলেন—

^{১৫৯৫} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৪২৯

^{১৫৯৬} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৪২৯

^{১৫৯৭} ইমাম আহমদ ইবনে হাম্বল (র.) (২৪১ হি) আল মুসনাদ, ২/৭৫, ১৩১

^{১৫৯৮} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৪৩৬

^{১৫৯৯} ইমাম নাসাঈ (র.) (৩০৩ হি), নাসাঈ শরীফ, ৬/২১১

^{১৬০০} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৪৩৮

^{১৬০১} ইমাম বায়হাকী (র.), শুয়াবুল ঈমান, ৩/৩৫৫

যিলহজ্জের প্রথম দশরাতে তোমরা রাত্রি বেলায় চেরাগ নিভাইওনা অর্থাৎ ইবাদতের জন্য জাগ্রত থাক। এই দশদিন ও রাতে ইবাদত করা খুবই পছন্দনীয় ছিল তাঁর। তিনি তাঁর খাদেমগণকেও রাতে জাগ্রত থেকে ইবাদত করতে আদেশ করতেন।^{১৬০২} গাউসে পাক (র.) বলেন, যে ব্যক্তি যিলহজ্জ মাসের প্রথম দশদিনকে সম্মান করবে আল্লাহ তায়ালা তাকে দশটি বস্ত্র দান করবেন। ১. হায়াতের বরকত, ২. সম্পদে বরকত, ৩. পরিবার পরিজনের হেফাজত, ৪. গুনাহের কাফ্ফারা, ৫. নেক আমল বৃদ্ধি, ৬. মৃত্যুকালীন সাকারাত সহজ, ৭. অন্ধকারে আলো, ৮. মীযানে নেকীর পাল্লা ভারী, ৯. দোষখ থেকে নাজাত এবং ১০. জান্নাতে উচ্চ মর্যাদা লাভ ইত্যাদি। যে ব্যক্তি এই দশ দিনে কোন মিসকিনকে খাবার দিল সে যেন স্বীয় পয়গম্বরের সুনুতের উপর সদকা করল, যে এই দিন সমূহে কোন রোগীর সেবা করল, সে যেন আউলিয়া আল্লাহ ও আবদালের সেবা করল, যে কোন জানাযায় অংশগ্রহণ করল সে যেন শহীদদের জানাযায় অংশগ্রহণ করল। যে কোন মু'মিনকে কাপড় পরিধান করালো, আল্লাহ তায়ালা তাকে নিজের পক্ষ থেকে খিলআত পরিধান করাবেন। যে কোন ইয়াতীমের প্রতি দয়া প্রদর্শন করবে, আল্লাহ তায়ালা তাকে আরশের নিচে দয়া প্রদর্শন করবেন। যে ব্যক্তি কোন আলিমের মজলিসে এই দশদিনে অংশগ্রহণ করবে, সে যেন আখিয়ায়ে কিরামের মজলিসে অংশগ্রহণ করলো।^{১৬০৩}

আরফা দিবস

আজ আমি الْيَوْمَ أَكْمَلْتُ لَكُمْ دِينَكُمْ وَأَتْمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا তোমাদের জন্য তোমাদের দীনকে পূর্ণাঙ্গ করে দিলাম এবং ইসলামকে তোমাদের জন্য দীন হিসেবে পছন্দ করলাম।^{১৬০৪}

এ আয়াতটি হিজরতের দশম বছর বিদায় হজ্জের আরফার দিন অবতীর্ণ হয়। এদিনটি পুরো বছরের মধ্যে সর্বোত্তম দিন। ঐ দিনটি ছিল শুক্রবার, স্থানটি হচ্ছে ময়দানে আরাফা, জবলে রহমতের সন্নিহিতে আর সময়টি ছিল আসরের পর যা দোয়া কবুল হওয়ার বিশেষ সময়। এ আয়াত অবতীর্ণের পর আর কোন বিধি-বিধান সম্পর্কিত আয়াত নাযিল হয়নি। এ আয়াত নাযিল হওয়ার পর রাসূল ﷺ মাত্র একাশি দিন পৃথিবীতে জীবিত ছিলেন। কেননা দশম হিজরির ৯ তারিখে এ আয়াত নাযিল হয় আর একাদশ হিজরির ১২ই রবিউল আউয়াল তিনি ইন্তেকাল করেন।

‘আরফা’ শব্দের অর্থ হলো পরিচিতি। হযরত দ্বাহ্বাক (র.) বলেন, হযরত আদম (আ.)কে হিন্দুস্থানে এবং হাওয়া (আ.)কে জিন্দায় অবতরণ করা হয়েছিল। তারা পরস্পর পরস্পরকে খুঁজতে খুঁজতে অবশেষে একদিন উভয়ে আরফার ময়দানে আরফার দিনে

^{১৬০২} আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৮২

^{১৬০৩} আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৮৫

^{১৬০৪} সূরা মায়িদা, আয়াত-৩

মিলিত হলেন এবং একে অপরের মধ্যে পরিচয় ঘটল। এ কারণে ঐ স্থানের নাম হলো আরফা আর ঐ দিনের নাম হলো আরফার দিন। আরফা নামকরণ সম্পর্কে ‘গুনিয়াতুত তালেবীন’ গ্রন্থে আরো বহু কারণ বর্ণনা করা হয়েছে। এই দিনের ফযিলত সম্পর্কে বুখারী শরীফে বর্ণিত আছে যে—

قَالَتْ الْيَهُودُ لِعُمَرَ: إِنَّكُمْ تَقْرَأُونَ آيَةً لَوْ نَزَلَتْ فِيْنَا لَاتَّخَذْنَاهَا عِيدًا، فَقَالَ عُمَرُ: " إِنِّي لَأَعْلَمُ حَيْثُ أُنْزِلَتْ، وَأَيْنَ أُنْزِلَتْ، وَأَيْنَ رَسُولُ اللَّهِ صَلَّى اللَّهُ عَلَيْهِ وَسَلَّمَ حِينَ أُنْزِلَتْ: يَوْمَ عَرَفَةَ وَإِنَّا وَاللَّهِ بِعَرَفَةَ - قَالَ سُفْيَانُ: وَأَشْكُ - كَانَ يَوْمَ الْجُمُعَةِ أَمْ لَا " {الْيَوْمَ أَكْمَلْتُ لَكُمْ دِينَكُمْ}

ইহুদিগণ হযরত ওমর (রা.)কে বলল যে, আপনারা এমন একটি আয়াত পড়ে থাকেন তা যদি আমাদের উপর নাযিল হতো, তবে আমরা সেটাকে ঈদ করে রাখতাম। হযরত ওমর (রা.) বললেন, এটা কখন এবং কোথায় অবতীর্ণ হয়েছে আর নাযিলের সময় রাসূল ﷺ কোথায় ছিলেন তা আমি জানি। আল্লাহর শপথ! আমরা সবাই এ সময় আরাফাতে ছিলাম। সেই আয়াতটি হলো— {الْيَوْمَ أَكْمَلْتُ لَكُمْ دِينَكُمْ} ১৬০৫

অন্য বর্ণনায় আছে হযরত ওমর (রা.) বলেন, এ আয়াত আরাফার ময়দানে জুমার দিন নাযিল হয়েছিল। আল্লাহর শোকর যে এ উভয় দিন (জুমা ও আরফা) আমাদের জন্য ঈদের দিন। যতক্ষণ পর্যন্ত একজন মুসলমানও পৃথিবীতে থাকবে এ দিন দু’টি মুসলমানের জন্য ঈদের দিন হিসেবেই থাকবে। ১৬০৬ হযরত শায়খ হেবাতুল্লাহ ইবনে মুবারক (র.) হযরত জাবির (রা.) থেকে বর্ণনা করেন, রাসূল ﷺ এরশাদ করেন, আরফা দিবসের চেয়ে উত্তম কোন দিন নেই। এই দিনে আল্লাহ তায়ালা পৃথিবীবাসীকে নিয়ে আসমানবাসীদের উপর গর্ব করে বলেন, তোমরা আমার ঐসব বান্দাদেরকে দেখ, যারা বিক্ষিপ্ত ও এলোমেলো চুল নিয়ে অনেক দূর-দুরান্ত থেকে আমার রহমতের আশা নিয়ে এবং শান্তির ভয় নিয়ে আমার কাছে এসেছে। সুতরাং আরফা দিবসের চেয়ে বেশী দোযখ থেকে মুক্তির আর কোন দিন নেই। এই দিন যে পরিমাণ লোক দোযখ থেকে পরিত্রাণ লাভ করবে অন্য কোন দিন করবে না। ১৬০৭

হযরত নাফে (রা.) হযরত ইবনে ওমর (রা.) থেকে বর্ণনা করেন, তিনি বলেন, আমি রাসূল ﷺ কে বলতে শুনেছি, তিনি বলেন, আল্লাহ তায়ালা আরফার দিন স্বীয় বান্দার প্রতি দৃষ্টিপাত করেন। যার অন্তরে বিন্দুমাত্র ঈমান থাকবে তাকে অবশ্যই ক্ষমা করে দেয়া হয়। নাফে বলেন, আমি ইবনে ওমর (রা.)কে জিজ্ঞাসা করলাম, এই ক্ষমা কি সকল ঈমানদারদের জন্য নাকি শুধু আরফাবাসীদের জন্য খাস? উত্তরে তিনি বলেন, এই ক্ষমা সকল ঈমানদারদের জন্য। ১৬০৮

হযরত জাবির (রা.) থেকে বর্ণিত আছে, তিনি বলেন, রাসূল ﷺ এরশাদ করেন, আরফার দিন আল্লাহ তায়ালা নীচের আসমানে এসে হাজীদেরকে নিয়ে ফেরেশতাদের

১৬০৫. মুহাম্মদ ইবনে ইসমাঈল বুখারী (র.) (২৫৬ হি) বুখারী শরীফ, হাদিস নং-৪২৫১

১৬০৬. আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৯৫

১৬০৭. আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৯৭

১৬০৮. আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৯৭

উপর গর্ব করেন আর বলেন, হে আমার ফেরেশ্তারা! তোমরা আমার ঐসব বান্দাদেরকে দেখ, কিভাবে তারা দূর-দূরান্ত থেকে হয়রান-পেরেশান হয়ে এসেছে। এরা আমার নেয়ামতের ও আযাব থেকে মুক্তির আশা পোষণ করে। যার সাক্ষাতে কেউ আসলে তার উপর কর্তব্য হয়ে যায় যে, আগন্তুককে সম্মান করা এবং মেজবানের উপর কর্তব্য হলো মেহমানকে সম্মান করা। অতএব তোমরা সাক্ষী থাক, আমি তাদেরকে ক্ষমা করে দিলাম, তাদের মেহমানদারীর খাবার জান্নাতে নির্ধারণ করে দিলাম। এতে ফেরেশ্তারা আরয করবেন- হে পরওয়ারদিগার! এদের মধ্যে তো অহংকারী মহিলাও রয়েছে। আল্লাহ তায়ালা বলেন, আমি তাদেরকেও ক্ষমা করে দিলাম। দোষখ থেকে মুক্তির জন্য আরফার দিনের চেয়ে উত্তম কোন দিন নেই।^{১৬০৯}

আল্লাহর বাণী- **وَشَهِدِ الْمَوْعُودِ** , শপথ! প্রতিশ্রুতি দিবসের আর সেই দিবসের, যে উপস্থিত হয় ও যাতে উপস্থিত হয়।^{১৬১০}

মুসনদে ইমাম আ'যম এর উদ্ধৃতি দিয়ে বলা হয়েছে যে- **الْيَوْمِ الْمَوْعُودِ** দ্বারা কিয়ামতের দিন **الشَّاهِدِ** দ্বারা আরফার দিন এবং **المشهد** দ্বারা জুমার দিন উদ্দেশ্য।^{১৬১১}

হযরত আয়েশা (রা.) থেকে বর্ণিত, **قَالَ النَّبِيُّ صَلَّى اللَّهُ عَلَيْهِ وَسَلَّمَ مَا مِنْ يَوْمٍ أَكْثَرَ مِنْ** নবী করিম **ﷺ** এরশাদ করেন, আরফার দিবসের চেয়ে জাহান্নাম থেকে মুক্তিলাভের জন্য অন্য কোন দিন নেই। সহীহ মুসলিম শরীফে আবু কাতাদা (রা.) নবী করিম **ﷺ** থেকে বর্ণনা করেন, **قَالَ صِيَامُ يَوْمٍ عَرَفَةَ** নবী করিম **ﷺ** এরশাদ করেন, আরফা দিবসে রোযা রাখলে আশা করি আল্লাহ তায়ালা রোযাদারের এক বছর আগের ও এক বছর পরের গুনাহ ক্ষমা করে দেবেন।^{১৬১২}

অনেকেই হাজী সাহেবদের জন্য এই দিনে রোযা রাখা মাকরুহ বলেছেন। কারণ এদিনে তাদেরকে অধিকহারে যিকর, দোয়া ও মুনাজাতে লিপ্ত থাকতে হয়। রোযার কারণে যাতে তারা দুর্বল হয়ে না যায় তবে যারা সামর্থবান তথা রোযার কারণে শারীরিকভাবে দুর্বল হয়ে পড়ে না তাদের জন্য রোযা রাখাই উত্তম।

^{১৬০৯} আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৩৯৮

^{১৬১০} সূরা বুরুজ, আয়াত; ২-৩

^{১৬১১} ইমাম আহমদ ইবনে হাম্বল (র.) (২৪১ হি) আল্-মুসনাদ, ২/২৯৮ এবং ইমাম তিরমিযী (র.) (২৭৯ হি) তিরমিযী শরীফ, ফি আত্-তাফসীর, ৫/৪৩৬

^{১৬১২} ইবনে রজব হাম্বলী (র.) (৭৯৫ হি) লাতায়েফুল মাআরিফ, আরবী, পৃ-৪৬৩ এবং আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৪০০

হজ্জ

হজ্জ ইসলামের পঞ্চস্তম্ভের অন্যতম একটি স্তম্ভ। এর শাব্দিক অর্থ হল সংকল্প করা। আর পারিভাষিক অর্থ হল **زِيَارَةُ مَكَانٍ مَخْصُوصٍ بِفِعْلِ مَخْصُوصٍ بِزَمَانٍ مَخْصُوصٍ** অথবা **اَوْ هُوَ قَصْدُ بَيْتِ**।^{১৬১৩} নির্ধারিত সময়ে নির্দিষ্ট কার্যাদির মাধ্যমে নির্দিষ্ট স্থান তথা বাইতুল্লাহ শরীফ যিয়ারত করা অথবা নির্দিষ্ট পদ্ধতিতে নির্দিষ্ট শর্তসাপেক্ষে বাইতুল্লাহ যাওয়ার সংকল্প করাকে হজ্জ বলা হয়।^{১৬১৩}

হজ্জ স্বাধীন সামর্থবান নারী-পুরুষদের জন্য জীবনে একবার ফরয। সামর্থবান বলতে আর্থিক ও দৈহিক সামর্থ উভয় বুঝায়। হজ্জ ফরয হয় নবম হিজরিতে সূরা আলে ইমরানের ৯৭ নং আয়াত **وَلِلّٰهِ عَلَى النَّاسِ حِجُّ الْبَيْتِ مَنِ اسْتَطَاعَ اِلَيْهِ سَبِيْلًا** দ্বারা। আয়াতের অর্থ হল-মানুষের মধ্যে যার পাথেয়'র সামর্থ আছে আল্লাহর উদ্দেশ্যে আল্লাহর ঘরের হজ্জ করা অবশ্য কতর্ব্য।

হযরত ইবনে আব্বাস (রা:) থেকে বর্ণিত, রাসূল ﷺ এরশাদ করেন- **يَا أَيُّهَا النَّاسُ إِنَّ اللَّهَ كَتَبَ عَلَيْكُمُ الْحَجَّ فَقَامَ الْأَفْرَغُ بْنُ حَابِسٍ فَقَالَ أَفِي كُلِّ عَامٍ يَا رَسُولَ اللَّهِ قَالَ لَوْ قُلْتُهَا هَ نَعَمْ لَوْجِبَتْ وَلَوْ وَجِبَتْ لَمْ تَعْمَلُوا بِهَا لَمْ تَسْتَطِيعُوا وَالْحَجُّ مَرَّةً فَمَنْ زَادَ فَهُوَ تَطَوُّعٌ** লোকসকল! আল্লাহ তোমাদের উপর হজ্জ ফরয করেছেন। হযরত আকরা ইবনে হাবিস (রা.) দাঁড়িয়ে বললেন, হে আল্লাহর রাসূল! এটা কি প্রত্যেক বছর ফরয? উত্তরে রাসূল ﷺ বললেন, আমি যদি হ্যাঁ বলতাম তবে ফরয হয়ে যেত। আর যদি প্রতি বছর হজ্জ ফরয হয়ে যেত তবে তা তোমরা সম্পাদন করতে সক্ষম হতে না। হজ্জ জীবনে একবারই ফরয। কেউ যদি একাধিক করে তবে তা হবে নফল হজ্জ।^{১৬১৪}

উপরোক্ত হাদিস শরীফ দ্বারা প্রতীয়মান হয় যে, রাসূল ﷺ হ্যাঁ বললে উম্মতের উপর প্রতি বছর ফরয হয়ে যেত। কিন্তু তা উম্মতের উপর কঠিন হবে বলে হ্যাঁ বলেন নি। আরো প্রতীয়মান হয় যে, কোন কাজ ফরয হওয়া না হওয়া তাঁর ইচ্ছাধীন।

হজ্জের ফযিলত

ইবাদত সাধারণত তিন ধরনের। ১. ইবাদতে বদনী তথা দৈহিক ইবাদত যেমন সালাত, রোযা। ২. ইবাদতে মালী তথা কেবল শারীরিক ইবাদত। যেমন যাকাত। ৩. ইবাদতে মুশতারিকাহ তথা দৈহিক ও আর্থিক উভয়ের সমষ্টি। যেমন-হজ্জ। হজ্জে শরীরের

^{১৬১৩}. মুফতি আমীমুল ইহসান (র:) কাওয়ায়েদুল ফিকহ, পৃ: ২৫

^{১৬১৪}. আহমদ, নাসাঈ ও দারেমী, সূত্র : মিশকাত শরীফ, পৃ: ২০১, হাদিস নং-২৩৯৭

সুস্থতা যেমন প্রয়োজন তেমনি আর্থিক স্বচ্ছলতারও প্রয়োজন। সুতরাং হজ্জের মধ্যে দৈহিক ও আর্থিক উভয় প্রকারের ইবাদত বিদ্যমান। তাই এর গুরুত্বও অপরিসীম।

নামায পড়লে নামাযী এবং রোযা রাখলে রোযাদার আখ্যায়িত করা হয়না কিন্তু কেউ জীবনে মাত্র একবার হজ্জ করলে তাকে হাজী সাহেব কিংবা নামের পূর্বে সারাজীবনের জন্য আলহাজ্ব শব্দটি যোগ হয়ে যায়।

হজ্জ সর্বোত্তম আমল

সাধারণত নিয়ম হলো যে কাজে কষ্ট বেশি সে কাজের সওয়াব ও ফযিলতও বেশি। তাই নবী করিম ﷺ'র প্রতি ঈমান আনার পর জিহাদ ও হজ্জকে সর্বোত্তম আমল বলেছেন।

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ কে জিজ্ঞাসা করা হয়েছিল **أَيُّ الْأَعْمَالِ أَفْضَلُ قَالَ إِيْمَانٌ بِاللّٰهِ وَرَسُولِهِ قِيلَ ثُمَّ مَاذَا قَالَ جِهَادٌ فِي سَبِيلِ اللّٰهِ** করা হয়েছিল **اللَّهُ سَبِيلَ اللَّهِ** সর্বোত্তম আমল কোনটি? উত্তরে তিনি বলেন, আল্লাহ ও তাঁর রাসূলের প্রতি ঈমান আনা। প্রশ্ন করা হল- তারপর কোনটি? উত্তরে তিনি বলেন, আল্লাহর রাস্তায় জিহাদ করা। পুনরায় প্রশ্ন করা হল, এরপর কোনটি? উত্তরে তিনি বলেন, হজ্জে মাবরুর তথা মকবুল হজ্জ।^{১৬১৫}

হজ্জে মাবরুর তথা মকবুল হজ্জের প্রতিদান হল একমাত্র জান্নাত। রাসূল ﷺ এরশাদ করেন, **الْحَجُّ الْمَبْرُورُ لَيْسَ لَهُ جَزَاءٌ إِلَّا الْجَنَّةُ** মকবুল হজ্জের প্রতিদান জান্নাত ছাড়া কিছুই নয়।^{১৬১৬}

হযরত ইবনে ওমর (রা.) থেকে বর্ণিত, রাসূল ﷺ এরশাদ করেন, **بُنِيَ الْإِسْلَامُ عَلَى خَمْسٍ شَهَادَةِ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ وَإِقَامِ الصَّلَاةِ وَإِيتَاءِ الزَّكَاةِ وَالْحَجِّ وَصَوْمِ رَمَضَانَ** ইসলামের বুনিয়াদ পাঁচটি বস্তুর উপর। ১. আল্লাহ ও তাঁর রাসূলের উপর ঈমান আনা, ২. সালাত প্রতিষ্ঠা করা, ৩. যাকাত প্রদান করা, ৪. বাইতুল্লাহর হজ্জ করা এবং ৫. রমযান মাসে রোযা রাখা।^{১৬১৭}

হজ্জ দ্বারা গুনাহ মাফ হয়

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, **مَنْ حَجَّ لِلَّهِ وَلَمْ يَفْسُقْ رَجَعَ كَيَوْمِ وَلَدَتْهُ أُمُّهُ** যে ব্যক্তি আল্লাহর উদ্দেশ্যে হজ্জ করল এবং এ সময় অশ্লীল কাজ ও গুনাহের কাজ থেকে বিরত থাকল সে মাতৃগর্ভ হতে নবজাত শিশুর ন্যায় নিষ্পাপ হয়ে ফিরবে।^{১৬১৮}

^{১৬১৫} বুখারী ও মুসলিম, সূত্র: মিশকাত শরীফ, পৃ: ২২১, হাদিস নং-২৩৮৩

^{১৬১৬} বুখারী ও মুসলিম, সূত্র: মিশকাত শরীফ, পৃ: ২২১, হাদিস নং: ২৩৮৫

^{১৬১৭} বুখারী ও মুসলিম সূত্র: রিয়াদুস সালেহীন, পৃ: ৪৮৪, হাদিস নং-১৬৭১

^{১৬১৮} বুখারী ও মুসলিম, সূত্র: মিশকাত শরীফ, পৃ: ২২১, হাদিস নং- ২৩৮৪

হযরত আব্দুল্লাহ ইবনে মাসউদ (রা.) থেকে বর্ণিত, তিনি বলেন, রাসূল ﷺ এরশাদ করেন, تَابِعُوا بَيْنَ الْحَجِّ وَالْعُمْرَةِ فَإِنَّهُمَا يَنْفِيَانِ الْفَقْرَ وَالذُّنُوبَ كَمَا يَنْفِي الْكِبَرُ تَابِعُوا (১) এরশাদ করেন, الْحَجُّ وَالْعُمْرَةُ فَإِنَّهُمَا يَنْفِيَانِ الْفَقْرَ وَالذُّنُوبَ كَمَا يَنْفِي الْكِبَرُ تَابِعُوا (১) তোমরা হজ্ব ও উমরা সাথে সাথে কর, কেননা এ দু'টি দারিদ্র ও গুনাহ এভাবে দূর করে- যেভাবে হাঁপর লোহা, স্বর্ণ ও রৌপ্যের ময়লা দূর করে। আর মকবুল হজ্জের বিনিময় জান্নাত ব্যতীত কিছুই নয়।^(১৬১১)

হুজ্জাতে কিরামগণ হলেন আল্লাহর মেহমান। মেহমানের চাহিদা পূরণ করা, মেহমানের দোয়া কবুল করা মেজবানের কতব্য। হাদিস শরীফে হাজীগণকে আল্লাহর প্রতিনিধি দল বলা হয়েছে এবং তাদের দোয়া কবুল ও মাগফিরাতের ঘোষণা দেওয়া হয়েছে। হযরত আবু হোরায়া (রা.) নবী করিম ﷺ থেকে বর্ণনা করেন, তিনি বলেন, **هَٰذَا الْحَاجُّ وَالْعُمَرَاءُ وَفَدُّ اللَّهِ، إِنَّ دَعْوَهُ أَجَابُ بِهِمْ، وَإِنْ اسْتَغْفَرُوهُ غُفِرَ لَهُمْ** হজ্ব ও উমরাকারীগণ হলেন আল্লাহর প্রতিনিধি দল। তারা যদি তাঁর কাছে প্রার্থনা করে তিনি তা কবুল করেন আর তারা যদি তাঁর কাছে ক্ষমা চান তিনি তাদেরকে ক্ষমা করে দেন।^{১৬২০}

রাসূল ﷺ হযরত উমর (রা.) কে বললেন, مَا وَالْإِسْلَامَ يَهْدُمُ مَا كَانَتْ قَبْلَهُ وَأَنْ هِجْرَةَ تَهْدُمُ مَا كَانَتْ قَبْلَهَا وَأَنْ الْحَجَّ يَهْدُمُ مَا كَانَتْ قَبْلَهُ হে উমর! তুমি কি জাননা? নিশ্চয় ইসলাম গ্রহণ মুসলমানদের পূর্বে কৃত সব গুনাহ মিটিয়ে দেয়, হিজরত মহাজিরের পববতী গুনাহ মুছে দেয় এবং হজ্জ হাজীর পর্ববতী গুনাহ ঝেড়ে ফেলে।^{১৬২১}

যেহেতু হজ্ব দ্বারা হাজীগণ গুনাহ মুক্ত নিষ্পাপ হয়ে বাড়ী ফিরেন তাই তাদের সাথে সাক্ষাত ও মুসাফাহ করে তাদের কাছে দোয়া চাইতে হাদিস শরীফে উৎসাহিত কর হয়েছে। হযরত আব্দুল্লাহ ইবনে ওমর (রা.) থেকে বর্ণিত, তিনি বলেন, রাসূল ﷺ এরশাদ করেন, إِذَا لَقِيتَ الْحَاجَّ فَسَلِّمْ عَلَيْهِ وَصَافِحْهُ وَمُرَّهُ أَنْ يَسْتَغْفَرَ لَكَ قَبْلَ أَنْ يَدْخُلَ بَيْتَهُ যখন তুমি কোন হাজীর সাক্ষাত পাবে তাকে সালাম করবে, তার সাথে করমর্দন করবে এবং তাকে অনুরোধ করবে যেন তোমার জন্য (আল্লাহর কাছে) ক্ষমা চায়, তার ঘরে প্রবেশের পূর্বে। কেননা হাজীকে ক্ষমা করে দেয়া হয়েছে।^{১৬২২}

হাজীগণের কাছে গুনাহ মার্ফের জন্য দোয়া চাইতে বলার কারণ হল আল্লাহ তায়ালা অনেক আগেই হযরত আদম (আ.)’র মাধ্যমে বাইতুল্লাহ’র তাওয়াফকারীদের দোয়া কবুল করবেন বলে ঘোষণা দিয়েছিলেন। ‘কাশফুল গুম্মাহ’ গ্রন্থের ২১৫ পৃষ্ঠার বর্ণিত আছে যে, যখন হযরত আদম (আ.) আল্লাহর নির্দেশে বাইতুল্লাহ নির্মাণ করার পর আল্লাহর দরবারে আবেদন করলেন, হে প্রভু! প্রত্যেক শ্রমিকের পারিশ্রমিক আছে, আমার পারিশ্রমিক কি? আল্লাহ তায়ালা বললেন, إِذَا طُفَّتْ بِهِ غَفَرْتُ لَكَ। যখন তুমি বাইতুল্লাহ

১৬১৯. তিরমিযী ও নাসাইঈ, সূত্র : মিশকাত শরীফ, পৃ : ২২২, হাদিস নং- ২৪০০

১৬২০. ইবনে মাজাহ, সূত্র : মিশকাত শরীফ, ২২২ হাদিস নং-২৪১১

১৬২১. মাওলানা নূর মুহাম্মদ, মাওয়ায়েয়ে রেজভীয়াহ, খণ্ড: ১, পৃ: ৩৪২ ও ইবনে খোসাইয়া

১৬২২. আহমদ সূত্র : মিশকাত শরীফ, পৃ: ২২৩, হাদিস নং-২৪১৩

তাওয়াফ করেছ তখনই তোমার গুনাহ আমি ক্ষমা করে দিয়েছি। হযরত আদম (আ.) আরম্ভ করলেন, হে প্রভু! আরো বাড়িয়ে দিন। আল্লাহ তায়ালা বললেন, اِذَا اَغْفِرَ لَكَ اَوْ دِكَ اِذَا যখন তোমার সন্তানরা বাইতুল্লাহ তাওয়াফ করবে তাদেরকেও ক্ষমা করে দেবো। আদম (আ.) নিবেদন করলেন, হে প্রভু! আরো একটু বাড়িয়ে দিন। তখন আল্লাহ তায়ালা বললেন, اِذَا اَغْفِرَ لَكَ اَوْ دِكَ اِذَا যখন তোমার সন্তানরা বাইতুল্লাহ তাওয়াফকারীরা যাদের জন্য মাগফিরাত চাইবে আমি তাদেরকেও ক্ষমা করে দেবো। তখন হযরত আদম (আ.) বললেন, হে আল্লাহ! যথেষ্ট হয়েছে, যথেষ্ট হয়েছে।^{১৬২৩}

হযরত আবু মুসা আশআরী (রা.) থেকে বর্ণিত, নবী করিম ﷺ এরশাদ করেন, اَلْحَاجُّ يَشْفَعُ فِي اَرْبَعٍ مِّائَةٍ مِنْ اَهْلِ بَيْتٍ اَوْ قَالَ مِنْ اَهْلِ بَيْتِهِ وَيَخْرُجُ مِنْ ذُنُوبِهِ كَيَوْمٍ وَلَدَتْهُ اُمُّهُ একজন হাজীর সুপারিশ চারশত পরিবারের হকে কবুল হবে অথবা পরিবারের চারশতজনের হকে কবুল হবে।^{১৬২৪}

সাধারণত নিয়ম আছে যে, যে কাজে কষ্ট বেশি হয় সে কাজে সাওয়াবও বেশি। হজ্ব একটি কষ্টসাধ্য ইবাদত। সুতরাং অন্যান্য ইবাদতের চেয়ে এতে সাওয়াব বেশি।

হযরত ইবনে আব্বাস (রা.) থেকে বর্ণিত, নবী করিম ﷺ এরশাদ করেন, مَنْ حَجَّ اِلَى مَكَّةَ مَاشِياً حَتَّى رَجَعَ كَتَبَ لَهُ بِكُلِّ خُطْوَةٍ سَبْعُمِائَةِ حَسَنَةٍ مِنَ حَسَنَاتِ الْحَرَمِ قِيلَ وَمَا حَسَنَاتُ اِلَى مَكَّةَ مَاشِياً حَتَّى رَجَعَ كَتَبَ لَهُ بِكُلِّ خُطْوَةٍ سَبْعُمِائَةِ حَسَنَةٍ مِنَ حَسَنَاتِ الْحَرَمِ যে ব্যক্তি পায়ে হেঁটে হজ্জ্ব যাবে এবং আসবে তার জন্য প্রতি পদক্ষেপে হেরেমের নেকী সমূহ থেকে সাতশত নেকী লিখা হবে। কেউ জিজ্ঞাসা করল- হেরেমের নেকী দ্বারা কী উদ্দেশ্য? রাসূল ﷺ উত্তরে বললেন, প্রত্যেক নেকী এক লক্ষ নেকীর সমান।^{১৬২৫}

এখানে পায়ে হেঁটে হজ্জ্ব করা দ্বারা উদ্দেশ্য হল হেরেম শরীফ থেকে মীনা, মুযদালিফা, আরাফাত, কংকর নিক্ষেপ এবং তাওয়াফে যিয়ারত ইত্যাদি পায়ে হেঁটে করা উত্তম। এর জন্য রাস্তা নিরাপদ থাকা এবং পায়ে হাঁটার সামর্থ্য থাকা শর্ত। পূর্ববর্তী অনেক বুযুগানে দীন শত সহস্র মাইল হেঁটে অনেক রিয়াযতের মাধ্যমে শতবারের কাছাকাছি হজ্জ্ব করেছেন।

তাড়াতাড়ি হজ্জ্ব করার তাগিদ

যাদের উপর হজ্জ্ব ফরয হয়েছে যত দ্রুত সম্ভব হজ্জ্ব আদায় করা উত্তম। কারণ হজ্জ্ব বছরে নির্দিষ্ট সময়ে একবার আদায় করতে হয়। যেখানে মানুষের হায়াত মওতের এক সেকেণ্ডের বিশ্বাস নেই সেখানে দীর্ঘ এক বছর অনেক লম্বা সময়। রাসূল ﷺ এরশাদ

^{১৬২৩}. মাওলানা নুর মোহাম্মদ, মাওয়ায়েযে রেজজীয়াহ, খণ্ড ১ম, পৃ : ৩২১

^{১৬২৪}. ইমাম বাযযারও আত তারগীব

^{১৬২৫}. হাকেম, মুস্তাদরাক, আইনী ও কানযুল উম্মাল

করেন, الْحَجَّ فَلْيَعَجِّلْ, যেন ব্যক্তি হজ্জের ইচ্ছে করেছে সে যেন তাড়াতাড়ি হজ্জ করে নেয়।^{১৬২৬}

হজ্জে বদল

ইবাদতে বদনী তথা কেবল দৈহিক ইবাদত যেমন নামায ও রোযা এগুলোতে একজনের পক্ষে অপরজনে আদায় করার অনুমতি কোন অবস্থাতেই নেই। ইবাদত মালী তথা আর্থিক ইবাদত যেমন যাকাত। এটি একজনের পক্ষে অপরজনে আদায় করতে পারে। কিন্তু হজ্জ দৈহিক ও আর্থিক উভয়ের সমষ্টি ইবাদত। এতে বিনা কারণে প্রতিনিধিত্ব জায়েয নেই তবে ওযর বশত জায়েয আছে। আর ওযরটি স্থায়ী হতে হবে। যেমন যার উপর হজ্জ ফরয হয়েছে সে যদি স্থায়ী রোগে আক্রান্ত হয় কিংবা মৃত্যুবরণ করে এমতাবস্থায় তার পক্ষে অন্য কেউ হজ্জ আদায় করতে পারবে।

এ বিষয়ে হযরত ইবনে আব্বাস (রা.) থেকে বর্ণিত আছে, তিনি বলেন, إِنَّ امْرَأَةً مِنْ خَثْعَمٍ قَالَتْ يَا رَسُولَ اللَّهِ إِنَّ فَرِيضَةَ اللَّهِ عَلَى عِبَادِهِ فِي الْحَجِّ أَذْرَكَتْ أَبِي شَيْخًا كَبِيرًا لَا يَثْبُتُ عَلَى الرَّاحِلَةِ أَفَا حُجُّ عَنْهُ قَالَ نَعَمْ وَذَلِكَ فِي حَجَّةِ الْوِدَاعِ খাসআম গোত্রের এক মহিলা জিজ্ঞাসা করল, ইয়া রাসূলুল্লাহ! আমার বৃদ্ধ পিতার উপর হজ্জ ফরয হয়েছে। বাহনের উপর বসার ক্ষমতা তার নেই। আমি কি তার পক্ষে হজ্জ করতে পারবো? উত্তরে তিনি বললেন, হ্যাঁ, পারবে। এ ঘটনা বিদায় হজ্জের সময়।^{১৬২৭}

হযরত ইবনে আব্বাস (রা.) থেকে বর্ণিত, তিনি বলেন, এক ব্যক্তি রাসূল ﷺ এর কাছে এসে বলল, আমার বোন হজ্জ করার মানত করেছিল। কিন্তু হজ্জ করার পূর্বে ইন্তে কাল করেছে। রাসূল ﷺ এরশাদ করেন, তার উপর যদি ঋণ থাকতো তুমি কি তা আদায় করতে? সে বলল, হ্যাঁ, আদায় করতাম। রাসূল ﷺ বললেন, তাহলে আল্লাহর ঋণ আদায় কর। কারণ তাঁর হক আদায় করা অধিক প্রয়োজন।^{১৬২৮}

হযরত আবু রযীন উকাইলী (রা.) থেকে বর্ণিত, তিনি একদিন নবী করিম ﷺ 'র নিকট এসে আরয করলেন, হে আল্লাহর রাসূল! আমার পিতা অতি বৃদ্ধ হজ্জ ও ওমরা করতে অক্ষম এবং বাহনে বসতে পারে না। রাসূল ﷺ বললেন, حُجُّ عَنْ أَبِيكَ وَاعْتَمِرْ, তুমি তোমার পিতার পক্ষ থেকে হজ্জ ও ওমরা কর।^{১৬২৯}

হাদিস শরীফে বর্ণিত আছে, কোন ব্যক্তি তার পিতামাতার ইন্তেকালের পর তাদের পক্ষ থেকে হজ্জ করে, সে জাহান্নামের আগুন থেকে মুক্তি পাবে এবং পিতামাতার জন্যও

^{১৬২৬}. আবু দাউদ ও দারেমী, সূত্র : মিশকাত শরীফ, পৃ : ২২২, হাদিস নং - ২৩৯৯

^{১৬২৭}. বুখারী ও মুসলিম, সূত্র : মিশকাত শরীফ, পৃ : ২২১, হাদিস নং- ২৩৮৮

^{১৬২৮}. বুখারী ও মুসলিম, সূত্র : মিশকাত শরীফ, পৃ : ২২১, হাদিস নং - ২৩৮৯

^{১৬২৯}. তিরমিযী, আবু দাউদ ও নাসাই, সূত্র : মিশকাত শরীফ, পৃ : ২২২, হাদিস নং - ২৪০৩

পূর্ণ হজ্ব লিপিবদ্ধ করা হবে আর তার সাওয়াব থেকে বিন্দুমাত্রও কমবে না। কোন নিকট আত্মীয়-স্বজনের পক্ষে হজ্ব করে এর সাওয়াব তাদের কবরে পৌঁছানোর চেয়ে উত্তম সদাচরণ আর কী হতে পারে? ^{১৬৩০}

হাদিস শরীফে বর্ণিত আছে, রাসূল ﷺ এরশাদ করেন, **إِنَّ اللَّهَ لَيَدْخُلُ بِالْحَجَّةِ** আল্লাহ তায়ালা (হজ্জে বদলে) একটি হজ্জের বিনিময়ে তিন ব্যক্তিকে জান্নাতে দাখিল করবেন। এক. মৃতব্যক্তি (যার পক্ষে হজ্ব করা হয়েছে), দুই. হজ্ব আদায়কারী তিন। যে হজ্জের ব্যয় বহন করে। ^{১৬৩১}

ইবনে মুয়াফফিক (র.) বলেন, আমি রাসূল ﷺ'র পক্ষ থেকে কয়েকবার হজ্ব করেছি। একদিন স্বপ্নে তাঁর সাক্ষাত নসীব হল। রাসূল ﷺ বললেন, হে ইবনে মুয়াফফিক! তুমি আমার পক্ষ থেকে হজ্ব করেছ? আমি বললাম, হ্যাঁ। তিনি বললেন, তুমি কি আমার পক্ষ থেকে লাঝায়ক বলেছ? আমি বললাম, জী হ্যাঁ। তখন তিনি বললেন, আমি কিয়ামত দিবসে তোমার প্রতিদান দেবো। হাশর ময়দানে আমি তোমার হাত ধরে জান্নাতে প্রবেশ করিয়ে দেবো আর লোকেরা হিসাব-নিকাশে লিপ্ত থাকবে। ^{১৬৩২}

হজ্ব পরিত্যাগ করার পরিণাম

হজ্ব ইসলামের একটি গুরুত্বপূর্ণ ইবাদত। বিনা কারণে ইহা পরিত্যাগ করা মারাত্মক গুনাহ। হজ্ব পরিত্যাগকারী সম্পর্কে আল্লাহ তায়ালা বলেন, **وَمَنْ كَفَرَ فَإِنَّ اللَّهَ غَنِيٌّ عَنِ الْعَالَمِينَ** আর যে ব্যক্তি হজ্বকে অস্বীকার করবে, নিশ্চয় আল্লাহ তায়ালা পৃথিবীবাসী থেকে বিমুখ। ^{১৬৩৩}

উক্ত আয়াতে হজ্ব অস্বীকারকারীর জন্য কুফুরী শব্দ ব্যবহার করা হয়েছে। এ কারণে হযরত ইবনে ওমর (রা.) থেকে বর্ণিত, যে ব্যক্তি সুস্থ ও ধনী হওয়া সত্ত্বেও হজ্ব না করে মৃত্যুবরণ করবে কিয়ামত দিবসে তার কপালে 'কাফির' শব্দ লিখা থাকবে। এরপর তিনি উপরোক্ত আয়াত তিলাওয়াত করেন। ^{১৬৩৪}

হযরত আলী (রা.) থেকে বর্ণিত, তিনি বলেন, রাসূল ﷺ এরশাদ করেন, **مَنْ مَلَكَ زَادًا وَرَاحِلَةً تُبَلِّغُهُ إِلَى بَيْتِ اللَّهِ وَلَمْ يَحُجَّ فَلَا عَلَيْهِ أَنْ يَمُوتَ يَهُودِيًّا أَوْ نَصْرَانِيًّا وَذَلِكَ أَنَّ اللَّهَ { وَلِلَّهِ عَلَى النَّاسِ حِجُّ الْبَيْتِ مَنْ اسْتَطَاعَ إِلَيْهِ سَبِيلًا } يَقُولُ فِي كِتَابِهِ** যে ব্যক্তি বাইতুল্লায়

^{১৬৩০}. আলাউদ্দিন আলী ইবনে হুসসাভুদ্দিন (রা:), (৯৭৫ হি:) কানযুল উম্মাল

^{১৬৩১}. প্রাগুক্ত

^{১৬৩২}. ইত্তেহাফ

^{১৬৩৩}. সূরা আলে ইমরান, আয়াত-৯৭

^{১৬৩৪}. জালাল উদ্দিন সুয়ুতী (র:), (৯১১ হি:) দুররে মনসূর

পৌছার পথ খরচের মালিক হয়েছে, অথচ হজ্ব করল না, সে ইহুদী হয়ে মৃত্যুবরণ করুক
অথবা নাসারা হয়ে এতে কিছু আসে যায় না। আর এটা একারণেই যে, আল্লাহ তায়ালা
বলেন, মানুষের উপর আল্লাহর জন্য বাইতুল্লাহর'র হজ্ব ফরয যে সেখানে পৌছার
সক্ষম।^{১৬৩৫}

হযরত আবু উমামা (রা.) থেকে বর্ণিত, তিনি বলেন, রাসূল ﷺ এরশাদ করেন, مَنْ لَمْ يَمْنَعْهُ مِنَ الْحَجِّ حَاجَةٌ ظَاهِرَةٌ أَوْ سُلْطَانٌ جَائِرٌ أَوْ مَرَضٌ حَابِسٌ فَمَاتَ وَلَمْ يَحُجَّ فَلَيْمَتْ إِنْ شَاءَ يَهُودِيٌّ وَإِنْ شَاءَ نَصْرَانِيًّا যাকে কোন প্রকাশ্য অভাব অথবা অত্যাচারী বাদশা কিংবা মারাত্মক রোগে হজ্ব করতে বাঁধা দেয়নি। অথচ সে হজ্ব না করে মারা গেল, তবে সে যদি চায় ইহুদী হয়ে মরুক আর যদি চায় নাসারা হয়ে মরুক।^{১৬৩৬}

অনেক ধনাঢ্য ব্যক্তিকে দেখা যায় তারা বিভিন্ন অযুহাতে হজ্জে বিলম্ব করে কিংবা হজ্জু থেকে বিরত থাকে। কেউ বলে আগে একটা বাড়ী করি তারপরে হজ্জু করবো। কেউ বলে ছেলেমেয়েকে বিবাহ দিয়ে পরে হজ্জু করবো আবার কেউ বলে এত তাড়াতাড়ী হজ্জু করলে রাখতে পারবো না বয়স হোক তারপর হজ্জু করবো ইত্যাদি। কিন্তু ওসব অযুহাত শরীয়তে গ্রহনযোগ্য নহে। বরং ধন, স্বাস্থ্য ও হায়াত চিরস্থায়ী নয় বিধায় যথাসম্ভব হজ্জু তাড়াতাড়ী আদায় করা উত্তম। হযরত আবু জাফর মুহাম্মদ ইবনে আলী তাঁর পিতা থেকে তিনি তাঁর দাদা থেকে বর্ণনা করেন, তিনি (দাদা) বলেন, রাসূল ﷺ এরশাদ করেন, যে কোন পুরুষ ও নারী এমন বিষয়ে ব্যয় করতে কৃপণতা করে যে বিষয়টি আল্লাহর সন্তুষ্টির উপলক্ষ, তবে সে এমন বিষয়ে এর চেয়ে বেশি ব্যয় করবে যেটি আল্লাহর অসন্তুষ্টির কারণ হয়। আর যে ব্যক্তি কোন পার্থিব কারণে হজ্জে যাওয়া মুলতবী করে, সে তার উদ্দেশ্য পূর্ণ হওয়ার পূর্বেই দেখবে যে, হাজী সাহেবগণ হজ্জু করে ফিরে এসেছে।^{১৬৩৭}

অর্থাৎ দুনিয়াবী কোন কাজের অভূহাতে যদি কেউ হজ্ব থেকে বিরত থাকে তবে হাজী সাহেবগণ হজ্ব সমাপন করে চলে আসবে, কিন্তু দেখা যাবে যে তার দুনিয়াবী কাজটি এখনো অসমাপ্ত রয়ে গেছে। সুতরাং কোন পার্থিব বিষয়ের জন্য যেন হজ্ব পরিত্যাগ করা না হয়।

বিশেষ দৃষ্টব্য: হজ্জের যাবতীয় আহকাম সম্পর্কে প্রত্যেক হাজী সাহেবকে অন্তত একটি করে হজ্জ গাইড প্রদান করা হয়। তাই এই বিষয়ে আলোচনা সংক্ষিপ্ত করা হল।

১৬৩৫. তিরমিযী, সূত্র : মিশকাত শরীফ, পৃ : ২২২, হাদিস নং -২৩৯৭

১৬৩৬. দারেমী, সূত্র : মিশকাত শরীফ, পৃ : ২২২, হাদিস নং- ২৪১০

১৬৩৭. মাজমাউয় যাওয়ায়েদ, তাবরানী কবীর ও আত তারগীব

কুরবানীর দিনের ফযিলত

যিলহজ্জ মাসের দশ তারিখকে ইয়ামুন নাহর তথা কুরবানীর দিন বলা হয়। এটি মুসলিম সম্প্রদায়ের দ্বিতীয় ঈদ উৎসব। ইবনে রজব হাম্বলী (র.) স্বীয় কিতাব লাতায়েফুল মাআরিফ গ্রন্থে বলেন— والعید الثاني عيد النحر وهو اكبر العیدین وافضلهما وهو مرتب على اكمال الحج وهو ركن الرابع من اركان الاسلام দ্বিতীয় ঈদ হলো ঈদুন নহর, দু ঈদের মধ্যে এটি বড় ঈদ। এটি ইসলামের চতুর্থ রোকন হজ্জ সমাপনের পর করতে হয়। তিনি আরো বলেন— والصلوة والنحر الذى يجتمع فى عيد النحر افضل من الصلوة والصلاة الذى فى عيد الفطر অর্থাৎ ঈদুল ফিতরের নামায ও সাদকার চেয়ে ঈদুল আযহার নামায ও কুরবানী উত্তম।^{১৬৩৮}

তাই আল্লাহ তায়ালা আদেশ করেন- فَصَلْ لِرَبِّكَ وَانْحَرْ আপনার পালনকর্তার উদ্দেশ্যে নামায পড়ুন আর কুরবানী করুন।^{১৬৩৯} আল্লাহ তায়ালা আরো বলেন- قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ আপনি বলুন, আমার নামায, আমার কুরবানী এবং আমার জীবন ও মরণ বিশ্বপ্রতিপালক আল্লাহরই জন্যে।^{১৬৪০}

কুরবানীর বিধান যুগে যুগে আল্লাহ তায়ালা পক্ষ হতে অবতীর্ণ সমস্ত শরীয়তেই বিদ্যমান ছিল। আল্লাহ তায়ালা বলেন— **وَلِكُلِّ أُمَّةٍ جَعَلْنَا مَنْسَكًا لِيَذْكُرُوا اسْمَ اللَّهِ عَلَىٰ مَا رَزَقَهُمْ مِنْ بَهِيمَةِ الْأَنْعَامِ** আমি প্রত্যেক সম্প্রদায়ের জন্য কুরবানীর নিয়ম করে দিয়েছি যাতে আমি তাদেরকে জীবনোপকরণ স্বরূপ যে চতুষ্পদ জন্তু দান করেছি সে গুলোর উপর তারা আল্লাহর নাম উচ্চারণ করে।^{১৬৪১} পৃথিবীতে সর্বপ্রথম কুরবানী করেছিলেন হযরত আদম (আ.)'র দুই পুত্র কাবিল ও হাবিল। এ প্রসঙ্গে আল্লাহ তায়ালা বলেন— **وَإِثْلَ عَلَيْهِمْ نَبَأُ ابْنَيْ آدَمَ بِالْحَقِّ إِذْ قَرَّبَا قُرْبَانًا فَتَقَبَّلَ مِنْ أَحَدِهِمَا وَلَمْ يُتَقَبَّلْ مِنَ الْآخَرِ قَالَ لَأَقْتَتَلَكَ قَالَ إِمَّا أَنَا** **يَتَقَبَّلَ** আপনি তাদেরকে আদমের দুই পুত্রের অবস্থা পাঠ করে শুনান। যখন তারা উভয়েই কিছু কুরবানী করেছিল। তখন তাদের একজনের কুরবানী গৃহীত হয়েছিল এবং অপরজনের কুরবানী গৃহীত হয়নি। সে বলল, আমি অবশ্যই তোমাকে হত্যা করবো। অপর ভাই বলল, আল্লাহ ধর্মভীরুদের পক্ষ থেকেই তো গ্রহণ করেন।^{১৬৪২}

১৬৩৮. ইবনে রজব হাম্বলী (র.) (৭৯৫ হি) লাতায়েফুল মাআরিফ, আরবী, পৃ- ৪৫২ ও ৪৫৩

১৬৩৯. সূরা কাউসার, আয়াত-২

১৬৪০. সূরা মায়িদা, আয়াত- ১৬২

১৬৪১. সূরা হুজ্জ, আয়াত-৩৪

১৬৪২. সূরা মায়িদা, আয়াত-২৭

আদম (আ.)'র দুই পুত্রের কুরবানীর ঘটনা

যখন হযরত আদম ও হাওয়া (আ.) পৃথিবীতে আগমন করেন এবং সন্তান প্রজনন ও বংশ বিস্তার আরম্ভ হয়, তখন প্রতি গর্ভ থেকে একটি পুত্র ও একটি কন্যা সন্তান জন্মগ্রহণ করত। তখন ভাই বোন ছাড়া হযরত আদম (আ.)'র আর কোন সন্তান ছিলনা। অথচ সহোদর ভাই-বোন পরস্পর বিবাহ বন্ধনে আবদ্ধ হতে পারেনা। তাই আল্লাহ তায়ালা উপস্থিত প্রয়োজনের খাতিরে আদম (আ.)'র শরীয়তে বিশেষভাবে এ নির্দেশ জারি করেন যে, একই গর্ভে যে পুত্র ও কন্যা জন্মগ্রহণ করবে, তারা পরস্পর সহোদর ভাইবোন বলে গন্য হবে। তাদের মধ্যে বৈবাহিক সম্পর্ক হারাম হবে। কিন্তু পরবর্তী গর্ভ থেকে জন্মগ্রহণকারী পুত্রের জন্যে প্রথম গর্ভে জন্মগ্রহণকারী কন্যা সহোদর ভাই-বোন বলে গন্য হবে না। ফলে তাদের পরস্পর বিবাহ-বন্ধনে আবদ্ধ হওয়া যাবে। ঘটনাক্রমে কাবিলের সহজাত বোনটি ছিল পরমা সুন্দরী এবং হাবিলের সহজাত বোনটি ছিল কুশী ও কদাকার। বিবাহের সময় হলে নিয়মানুযায়ী হাবিলের সহজাত কুশী বোন কাবিলের ভাগে পড়ল। এতে কাবিল অসন্তুষ্ট হয়ে হাবিলের শত্রু হয়ে গেল। সে জেদ ধরল যে, আমার সহজাত বোনকেই আমার সঙ্গে বিবাহ দিতে হবে। হযরত আদম (আ.) তাঁর শরীয়তের আইনের পরিপেক্ষিতে কাবিলের দাবী প্রত্যাখ্যান করলেন। অতঃপর তিনি হাবিল ও কাবিলের মতভেদ দূর করার উদ্দেশ্যে বললেন, তোমরা উভয়েই আল্লাহর উদ্দেশ্যে কুরবানী পেশ কর। যার কুরবানী গৃহীত হবে, সেই কন্যার পানি গ্রহণ করবে। তৎকালে কুরবানী গৃহীত হওয়ার একটি সুস্পষ্ট নিদর্শন ছিল যে, আকাশ থেকে একটি অগ্নিশিখা এসে কুরবানীকে ভস্মভূত করে আবার অন্তর্হিত হয়ে যেত। যে কুরবানীকে অগ্নি ভস্মভূত করতনা, তা প্রত্যাখ্যান বলে মনে করা হত। হাবিল ভেড়া, দুগ্ধা ইত্যাদি পশু পালন করতো। সে একটি উৎকৃষ্ট দুগ্ধা কুরবানী করল। কাবিল কৃষিকাজ করত। সে কিছু শস্য, গম ইত্যাদি কুরবানীর জন্য পেশ করল। অতঃপর নিয়মানুযায়ী আকাশ থেকে অগ্নিশিখা এসে হাবিলের কুরবানীটি ভস্মভূত করে দিল এবং কাবিলের কুরবানী যেমন ছিল তেমন পড়ে রইল। এ অকৃতকার্যতায় কাবিলের দুঃখ ও ক্ষোভ বেড়ে গেল। সে নিজেকে আত্মসংবরণ করতে পারলনা এবং প্রকাশ্যে ভাইকে বলে দিল অবশ্যই আমি তোমাকে হত্যা করব। হাবিল তখন ক্রোধের জওয়াবে ক্রোধ প্রদর্শন না করে একটি মার্জিত ও নীতিগত কাজ উচ্চারণ করে বলল— আল্লাহ তায়ালা কেবল খোদাভীরু পরহেজগারের কর্মই গ্রহণ করে থাকেন। যদি তুমি আমাকে হত্যা করতে আমার দিকে হস্ত প্রসারিত কর, তবে আমি তোমাকে হত্যা করতে তোমার দিকে হস্ত প্রসারিত করবো না। কেননা আমি বিশ্বজগতের পালনকর্তা আল্লাহকে ভয় করি। অতঃপর কাবিল তার ভাই হাবিলকে হত্যা করল।

কুরবানীর ইতিহাস যদিও আদিকালের তবে আমরা যে কুরবানী করি মূলত তা হযরত ইব্রাহিম (আ.)'র সূন্নত ও তাঁর আত্মত্যাগের অবিস্মরণীয় ঘটনাকে কিয়ামত পর্যন্ত আগত মুসলমানদের জন্য চিরস্মরণীয় ও প্রাণবন্ত করে রাখার জন্য উম্মতে মুহাম্মদীর উপর তা ওয়াজিব করা হয়েছে।

ইমাম আহমদ ও ইবনে মাজাহ (র.) য়ায়েদ ইবনে আরকাম (রা.) থেকে বর্ণনা করেন, তিনি বলেন- **قَالَ أَصْحَابُ رَسُولِ اللَّهِ صَلَّى اللَّهُ عَلَيْهِ وَسَلَّمَ: مَا هَذِهِ الْأَصَاحِي؟ يَا رَسُولَ اللَّهِ؟** **رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «سُنَّةُ أَبِيكُمْ إِبْرَاهِيمَ» قَالُوا: فَمَا لَنَا فِيهَا يَا رَسُولَ اللَّهِ؟** **قَالَ: «بِكُلِّ شَعْرَةٍ، حَسَنَةً» قَالُوا: " فَالْصُّوفُ؟ يَا رَسُولَ اللَّهِ قَالَ: «بِكُلِّ شَعْرَةٍ مِنَ الصُّوفِ، حَسَنَةً»** **رَسُولُ** এর সাহাবীগণ জিজ্ঞাসা করলেন, হে আল্লাহর রাসূল! এ কুরবানী কী? উত্তরে তিনি বললেন, ইহা তোমাদের পিতা ইব্রাহিম (আ.)'র সুন্নত। তাঁরা আবার জিজ্ঞাসা করলেন, এতে আমাদের জন্য কি কল্যাণ নিহিত আছে? তিনি বললেন, এর প্রত্যেকটি পশমের বিনিময়ে একটি করে নেকী রয়েছে। তারা পুনরায় জিজ্ঞাসা করলেন, বকরীর পশমও কি তাই? জবাবে তিনি বললেন, বকরীর প্রতিটি পশমের বিনিময়েও একটি করে নেকী আছে।^{১৬৪৩}

ইব্রাহিম (আ.) কর্তৃক স্বীয় প্রাণপ্রিয় পুত্র কুরবানীটি মূলত ছিল একটি মহাপরীক্ষা। আল্লাহ তায়ালা তাঁকে বিভিন্নভাবে পরীক্ষা করেছিলেন। সাধারণত মানুষের নিকট দু'টি বস্তু সবচেয়ে প্রিয়ভাজন হয়। একটি হল নিজের প্রাণ আর অপরটি হলো প্রাণপ্রিয় নিজের সন্তান। নমরুদের আগুনে নিক্ষিপ্ত হয়ে প্রাণের পরীক্ষায় উত্তীর্ণ হন তিনি। অবশেষে বৃদ্ধাবস্থায় আল্লাহর কাছ থেকে দোয়া করে প্রাপ্ত একমাত্র ছেলেকে কুরবানী দেওয়ার যাবতীয় ব্যবস্থা পরিপূর্ণভাবে সম্পন্ন করে উত্তীর্ণ হন। এ ব্যাপারে আল্লাহ তায়ালা বলেন- **رَبِّ هَبْ لِي مِنَ الصَّالِحِينَ ، فَبَشِّرْنَاهُ بِغُلَامٍ حَلِيمٍ ، فَلَمَّا بَلَغَ مَعَهُ السَّعْيَ قَالَ يَا بُنَيَّ إِنِّي أَرَى فِي الْمَنَامِ أَنِّي أَذْبَحُكَ فَانْظُرْ مَاذَا تَرَى قَالَ يَا أَبَتِ افْعَلْ مَا تُؤْمَرُ سَتَجِدُنِي إِن شَاءَ اللَّهُ مِنْ فَلَمَّا أَسْلَمَا وَتَلَّهُ لِلْجَبِينِ ، وَنَادَيْنَاهُ أَن يَا إِبْرَاهِيمُ ، قَدْ صَدَّقْتَ الرُّؤْيَا إِنَّا كَذَلِكَ نَجْزِي الصَّابِرِينَ ،** **إِبْرَاهِيمَ الْمُحْسِنِينَ** **إِنَّ هَذَا لَهُوَ الْبَلَاءُ الْمُبِينُ ، وَفَدَيْنَاهُ بِذَبْحٍ عَظِيمٍ ، وَتَرَكْنَا عَلَيْهِ فِي الْآخِرِينَ** (আ.) দোয়া করলেন- হে আমার প্রভু! আমাকে এক নেককার পুত্র সন্তান দান করুন। সুতরাং আমি তাকে এক সহনশীল পুত্রের সুসংবাদ দান করলাম। অতঃপর সে যখন পিতার সাথে চলাফেরা করার বয়সে উপনীত হল, তখন ইব্রাহিম তাকে বলল, বৎস! আমি স্বপ্নে দেখি যে, তোমাকে যবেহ করছি। এখন তোমার অভিমত কি? সে বলল, পিতা! আপনাকে যা আদেশ দেয়া হয়েছে, তাই করুন। আল্লাহ চাহেন তো আপনি আমাকে ধৈর্য্যশীল হিসেবে পাবেন। যখন পিতা-পুত্র উভয়ই আনুগত্য প্রকাশ করল এবং ইব্রাহিম তাকে যবেহ করার জন্যে শায়িত করল, তখন আমি তাকে ডেকে বললাম, হে ইব্রাহিম! তুমিতো স্বপ্ন সত্যে পরিণত করে দেখালে। আমি এভাবেই সৎকর্মীদেরকে প্রতিদান দিয়ে থাকি। নিশ্চয় এটা এক সুস্পষ্ট পরীক্ষা। আমি তার পরিবর্তে দিলাম যবেহ

করার জন্যে এক মহানজম্ব। আমি তার জন্য এ বিষয়টি পরবর্তীদের মধ্যে রেখে দিয়েছি।^{১৬৪৪}

কুরবানীর সংক্ষেপ ঘটনা হলো হযরত ইব্রাহিম (আ.)'র স্ত্রী হযরত সারার গর্ভে যখন কোন সন্তান হচ্ছে না তখন তিনি নিজেকে বন্ধ্যা মনে করলেন। মিশরের সম্রাট ফেরাউন তার হাজেরা নাম্মী কন্যাকে হযরত সারার খেদমতের জন্য দান করেছিল। তিনি হাজেরাকে ইব্রাহিম (আ.)'র খেদমতে দিয়ে দিলেন। অতঃপর তিনি তাকে বিবাহ সূত্রে আবদ্ধ করে নিলেন। এ হাজেরার গর্ভেই হযরত ইসমাইল (আ.) জন্মগ্রহণ করেন। পুত্রের বয়স যখন ১৩ বা ১৫ বছরে উপনীত হলো তখন হযরত ইব্রাহিম (আ.)কে উপর্যুপরি তিন রাত স্বপ্ন দেখানো হলো যে, তুমি তোমার প্রিয় বস্ত্র আল্লাহর রাস্তায় কুরবানী কর। একথা স্বীকৃত সত্য যে, নবীগণের স্বপ্নও ওহীহ বটে। স্বপ্নের মাধ্যমে প্রদত্ত আদেশে মানব মনের পক্ষে ভিন্ন অর্থ করার যথেষ্ট অবকাশ ছিল। কিন্তু ইব্রাহিম (আ.) ভিন্ন অর্থের পথ অবলম্বন না করে বরং আল্লাহর আদেশের সামনে মাথানত করে আদেশ পালনে ব্রত হলেন। অতঃপর তিনি ১০ই যিলহজ্জ সকালে স্ত্রী হাজেরাকে বললেন, তোমার ছেলেকে সেজে-গুছে দাও— আমরা একটি দাওয়াতে যাবো। কোন কোন বর্ণনায় আছে তিনি হাজেরাকে বলেছেন চুরি ও রশি দাও। পুত্রকে নিয়ে শিকারে যাব। আবার কোন কোন রেওয়ায়েতে আছে আমরা আল্লাহর রাস্তায় দুম্বা কুরবানী দিতে যাবো। যা হোক মা ছেলেকে গোসল করিয়ে পরিষ্কার পরিচ্ছন্ন পোশাক পরিধান করিয়ে, সুগন্ধি লাগিয়ে এবং চোখে সুরমা দিয়ে ও মাথায় তেল দিয়ে চিরুণী করে দিয়ে পিতার কাছে অর্পণ করে দিলেন। হযরত ইব্রাহিম (আ.) ছেলের হাত ধরে জাবলে আরফার দিকে রওয়ানা হলেন। এদিকে ইবলিস শয়তান এক বৃদ্ধের আকৃতি ধারণ করে হযরত হাজেরাকে গিয়ে বলল, তুমি কি জান তোমার ছেলেকে তার পিতা কোথায় নিয়ে যাচ্ছে। হাজেরা ঘটনা খুলে বললে, শয়তান বলল, আল্লাহ তায়ালা নাকি তাকে তার পুত্রকে যবেহ করতে আদেশ দিয়েছেন তাই তাকে যবেহ করতে নিয়ে যাচ্ছে? হাজেরা বললেন, যদি আল্লাহর আদেশ হয়ে থাকে তাহলে এক ইসমাইল কেন হাজার ইসমাইল আল্লাহর রাস্তায় কুরবানী দিতে পারি। এতে শয়তান ব্যর্থ হয়ে হযরত ইসমাইল (আ.)'র নিকট এসে বলল, তোমাকে তোমার পিতা যবেহ করার জন্য নিয়ে যাচ্ছে। তিনি জিজ্ঞাসা করলেন কেন? শয়তান বলল, তার ধারণা হল যে, তাকে আল্লাহ এর আদেশ দিয়েছেন। তখন ইসমাইল (আ.) বললেন, আল্লাহ যদি আমার কুরবানী কবুল করেন তাহলে এর চেয়ে বড় ভাগ্যের ব্যাপার আর কি হতে পারে? এরপর শয়তান হযরত ইব্রাহিম (আ.) কেও অনুরূপ ধোঁকা দেওয়ার চেষ্টা চালালে তিনি তিনবার শয়তানের দিকে সাতটি করে

কংকর নিক্ষেপ করে তাড়িয়ে দেন। এ কাজটি আল্লাহর কাছে খুবই পছন্দ হয়েছিল বলেই কিয়ামত পর্যন্ত সকল হাজীগণের উপর এই সুনাতকে আবশ্যক করে দেয়া হয়েছে। অতঃপর মিনায় কুরবানগাহে পৌঁছে তিনি পুত্রকে স্বপ্নের কথা বললে পুত্র সাথে সাথে বললেন, হে পিতা! আপনি আদেশ পালন করুন। তিনি পুত্রের কাছে স্বপ্নের কথা বলেছেন কিন্তু পুত্র বুঝে নিলেন যে, নবীগণের স্বপ্ন ওহী। তাই পুত্র উত্তরে আপনি স্বপ্ন বাস্তবায়ন করুন না বলে বলেছেন আপনি আদেশ পালন করুন। পুত্র পিতাকে বললেন, আপনি আমাকে শক্ত করে বেঁধে নিন, যাতে আমি বেশী ছটপট করতে না পারি। আপনার পরিধেয় বস্ত্রও সামলে নিন, যাতে আমার রক্তের ছিটা তাতে না পড়ে। এতে আমার সওয়াব হ্রাস পেতে পারে। তাছাড়া রক্ত দেখলে আমার মা অধিক ব্যাকুল হবেন। আপনি ছুরিটাও ধার করে নিন এবং তা আমার গলায় দ্রুত চালাবেন যাতে আমার প্রাণ সহজে বের হয়ে যায়। কারণ মৃত্যু বড় কঠিন। আপনি আমার মায়ের কাছে পৌঁছে আমার সালাম বলবেন। যদি আমার জামা তার কাছে নিয়ে যেতে চান, তবে নিয়ে যাবেন। হয়তো এতে তিনি কিছুটা সান্ত্বনা পাবেন। ইব্রাহিম (আ.) পুত্রের কথা শুনে বললেন, বৎস! আল্লাহর নির্দেশ পালনে তুমি আমার চমৎকার সহায়ক হয়েছ। অতঃপর তার কপালে চুমু খেয়ে তাকে শক্ত করে বেঁধে ফেললেন। তাকে কাত করে গুয়ায়ে গলার উপর ধারাল চুরি চালাতে লাগলেন। তিনি কয়েকবার এরূপ করলেন কিন্তু চুরি কাজ করছে না এবং গলাও কাটা যাচ্ছে না। এসময় ভূমণ্ডল ও নভোমণ্ডলের সকল ফেরেশতা, পশু-পাখি, জীব-জন্তু, এমনকি পানির ভিতরে মাছ পর্যন্ত আল্লাহর দরবারে ফরিয়াদ করতে লাগল আর বলতে লাগল হে পরওয়ারদিগার! **ارحم هذا الشيخ الكبير وافد هذا** এই বৃদ্ধের উপর দয়া করুন এবং এই ছোট বাচ্চার প্রাণ রক্ষা করুন। তখন পুত্র বললেন, হে পিতা! চুরিকে পুনরায় ধার দিয়ে নিন এবং আমাকে কাত করে শুইয়ে দিন। কেননা আপনি আমার চেহারা দেখলে আপনার মধ্যে হয়তো পৈতৃক স্নেহ উতলে উঠবে। তারপর তিনি পুত্রকে কাত করে গুয়াইয়ে ছুরি চালালেন কিন্তু এবারও চুরি কোন কাজ করল না। এতে তিনি রাগ করে চুরিকে হাত থেকে নিক্ষেপ করলে চুরি একটি পাথরে পড়লে পাথর দ্বিখণ্ডিত হয়ে গেল। তখন আল্লাহ তায়ালা চুরিকে বাকশক্তি দান করলেন। চুরি বলে উঠল- **يا ابراهيم انا بين امرين فالخليل يقول اقطعى والجليل يقول لا** - **تقطعى واني من قبل الجليل لامن قبل الخليل وكيف اقطع في نحر اسماعيل ونور محمد صلى الله** **يلمع** হে ইব্রাহিম, আমি দুই আদেশের মধ্যবর্তীতে অবস্থান করছি। খলীল বলছেন তুমি যবেহ কর আর জলীল (আল্লাহ) বলছেন তুমি যবেহ করিওনা। আর

আমি জলিলের পক্ষে খলীলের পক্ষে নই। আর কিভাবেই আমি ইসমাইলের গলা কাটব? নূরে মুহাম্মদী  তার চেহারায় সমুজ্জল হয়ে আছেন।^{১৬৪৫}

হযরত ইব্রাহিম (আ.) ও ইসমাইল (আ.) যবেহের যাবতীয় কাজ সম্পন্ন করে পরীক্ষায় উত্তীর্ণ হলে আল্লাহ তায়ালা হযরত ইসমাইল (আ.)'র পরিবর্তে জান্নাত থেকে একটি দুশ্বা বা ভেড়া দিয়ে তাদের কুরবানী কবুল করলেন। আল্লাহ তায়ালা বলেন, আমি জবেহ করার জন্য এক মহান জীব দান করলাম। গাউসে পাক (র.) গুনিয়াতুত তালেবীন গ্রন্থে বলেন ঐ দুশ্বার নাম ছিল ওয়াযীর। এটি জান্নাতে চল্লিশ বছর যাবৎ চরণকারী ছিল। কেউ কেউ বলেছেন এটি ছিল সেই দুশ্বা যেটি হযরত আদম (আ.)'র পুত্র হাবিল কুরবানী দিয়েছিলেন। অতঃপর আল্লাহ তাকে ডাক দিয়ে বলছেন— হে ইব্রাহিম! তুমি তোমার স্বপ্ন বাস্তবায়ন করে দেখিয়েছ এবং এতে কোন ত্রুটি করনি। আমি সৎকর্মশীলদের এভাবেই বিনিময় দিয়ে থাকি। পিতা কর্তৃক পুত্র কুরবানী করা আল্লাহর উদ্দেশ্য ছিলনা বরং এর পিছনে রয়েছে অন্য একটি উদ্দেশ্য। ফেরেশ্তারা আল্লাহর কাছে জানতে চাইলেন যে, এর মূল উদ্দেশ্য কি? উত্তরে আল্লাহ বলেন, খলীলের অন্তরে আমি আল্লাহ ব্যতীত অন্য কারো ভালবাসা যেন না থাকে। কারণ আমার ভালবাসায় অন্য কারো শরীক থাকা আমি পছন্দ করিনা। হযরত ইব্রাহিম (আ.) পুত্রকে ভালবেসেছে তাই তাকে পরীক্ষায় অবতীর্ণ হতে হয়েছে। হযরত ইয়াকুব (আ.) হযরত ইউসূফ (আ.) কে ভালবেসেছে তাই চল্লিশ বছর পর্যন্ত তাকে পিতার স্নেহ থেকে বঞ্চিত হতে হয়েছে এবং ইয়াকুব (আ.)কে ইউসূফের পৃথক হওয়ার কষ্ট ভোগ করতে হয়েছে। আমাদের নবী করিম  হযরত হাসান ও হোসাইন (রা.)কে মহব্বত করেছেন তাই জিব্রাইল (আ.) এসে আরম্ভ করলেন এদের একজনকে বিষ পান করানো হবে আর অপরজনকে শহীদ করা হবে। উদ্দেশ্য হলো মাহবুবের সাথে অন্যের মুহাব্বত যেন শরীক না হয়।^{১৬৪৬}

আকিল, বালিগ, মুকীম ব্যক্তি ১০ই যিলহজ্জ ফজর হতে ১২ই যিলহজ্জ সন্ধ্যা পর্যন্ত সময়ের মধ্যে নিসাব পরিমাণ সম্পদের মালিক হলে তার উপর কুরবানী ওয়াজিব। সামর্থ্য থাকা সত্ত্বেও কুরবানী বর্জনকারী ব্যক্তির প্রতি রাসূল  এর সতর্কবানী উচ্চারণ করে বলেন— **مَنْ كَانَ لَهُ سَعَةٌ وَلَمْ يُضَحَّ فَلَا يَقْرَبَنَّ مَصَلَانَا** যে ব্যক্তি সামর্থ্য থাকা সত্ত্বেও কুরবানী করে না, সে যেন আমাদের ঈদগাহে না আসে।^{১৬৪৭}

^{১৬৪৫}. শেখ মুহাম্মদ ইবনে আহমদ ইবনে আয়াস (র.) বাদায়েউয যহর, আরবী, পৃ-৯২

^{১৬৪৬}. আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৪১৫

^{১৬৪৭}. ইবনে মাজাহ, মুসান্নিফে ইবনে আবি শায়বা, সূত্র: হিন্দায়া, খণ্ড-৪, পৃ-৪২৭

কুরবানীর উদ্দেশ্য

বড় গরু, বেশী দামের গরু কিংবা সুন্দর জানোয়ার দিয়ে গোশত খাওয়ার উদ্দেশ্যে কুরবানী করলে তা আল্লাহর দরবারে প্রত্যাখ্যান হবে। বরং সম্পূর্ণ আবেগ, অনুভূতি, প্রেম-ভালবাস নিয়ে কুরবানী করলে কেবল তাই আল্লাহর দরবারে গৃহীত হবে। বস্তুত কুরবানী দাতা কেবল গরুর গলায় চুরি চালায় না বরং সেতো চুরি চালায় সকল প্রবৃত্তির গলায় আল্লাহর প্রেমে পাগল পারা হয়ে। এটি কুরবানীর মূল নিয়ামক। এ অনুভূতি ব্যতিরেকে কুরবানী করলে প্রকৃত উদ্দেশ্য অর্জিত হয় না বরং এটা এক রকম প্রথা মাত্র যাতে গোশতের ছড়াছড়ি হয় বটে কিন্তু ঐ তাকওয়া হাসিল হয়না যা কুরবানীর প্রাণ শক্তি। কুরআন মজীদে আল্লাহ তায়ালা বলেন— لَنْ يَنَالَ اللَّهَ لُحُومُهَا وَلَا دِمَاؤُهَا وَلَكِنْ يَنَالُهُ ۝۱৬৮ۮ আল্লাহর নিকট পৌঁছেনা এর গোশত ও রক্ত, পৌঁছে কেবল তোমাদের তাকওয়া। ১৬৮৮ অন্য আয়াতে বলা হয়েছে— إِنَّمَا يَتَقَبَّلُ اللَّهُ مِنَ الْمُتَّقِينَ ۝۱৬৮৯ আল্লাহ কেবল মুতাকীদেব কুরবানী কবুল করেন। ১৬৮৯

আইয়্যামে তাশরীক

وَإِذْكُرُوا اللَّهَ فِي أَيَّامٍ مَّعْدُودَاتٍ ۝۱৬৯০ তোমরা নির্দিষ্ট কয়েকদিন বেশী করে আল্লাহর যিকর কর। ১৬৯০ নির্দিষ্ট দিন দ্বারা আইয়্যামে তাশরীক আর তা হলো যিলহজ্জ মাসের ১১, ১২, ১৩ তারিখ। এটা হযরত ইবনে ওমর (রা.)'র মত। ইবনে আব্বাস (রা.)'র মতে আইয়্যামে তাশরীক হলো চারদিন। আর তা হলো যিলহজ্জ মাসের ১০, ১১, ১২ ও ১৩ তারিখ। তবে প্রথম মতটিই অধিকাংশ ওলামায়ে কিরাম গ্রহণ করেছেন।

নামকরণ

তাশরীক শব্দের অর্থ হলো রওশন বা আলোকিত হওয়া। জাহেলী যুগে মুশরিকরা সূর্য উদিত হবার পূর্বে মুযদালিফা থেকে রওয়ানা হতনা। এসময় তারা বলত— أَشْرِقْ ۝۱৬৯১ হে সাবীর পর্বত! আলোকিত হয়ে যাও, যাতে আমার রওয়ানা হতে পারি। একারণে ঐ দিনকে يوم تشریق বলা হতো। অথবা কোন কোন ওলামা বলেছেন যে, تشریق শব্দের অর্থ হলো কুরবানীর গোশত টুকরা টুকরা করে শুকিয়ে নেয়ার দিন। এইদিনগুলোতে জাহেলী যুগে কুরবানীর গোশত শুকিয়ে নিত। তাই এই দিনগুলোকে

১৬৮৮. সূরা হাজ্জ, আয়াত-৩৭

১৬৮৯. সূরা মায়িদা, আয়াত-২৭

১৬৯০. সূরা বাকারা, আয়াত-২০৩

আইয়্যামে তাশরীক বলা হতো।^{১৬৫১} এই দিনগুলোতে রোযা রাখা হারাম। কেননা এগুলো আল্লাহর পক্ষ থেকে যিয়াফতের দিন। এদিন গুলোতে রোযা রাখার অর্থ হলো আল্লাহর দেয়া যিয়াফত প্রত্যাখ্যান করা যা মারাত্মক অপরাধ। নবী করিম ﷺ এরশাদ করেন- **أَيَّامُ التَّشْرِيقِ أَيَّامٌ آكَلٌ وَشَرِبٌ** আইয়্যামে তাশরীক হলো পানাহারের দিন।^{১৬৫২}

সুনানে আরবার হাদিসে উক্ত ইবারতের সাথে যোগ হয়েছে **وذكر الله عز وجل** অর্থাৎ ঐ দিনসমূহে বেশী করে আল্লাহর যিকর করতে হয়। হানাফী মাযহাব মতে যিলহজ্জের নয় তারিখ তথা আরফার দিনের ফজর থেকে ১৩ তারিখ তথা আইয়্যামে তাশরীকের আসর নামায পর্যন্ত প্রত্যেক ফজর নামাযের পর উচ্চস্বরে তাকবীরে তাশরীক পড়া ওয়াজিব। আর আহনাফের মতে এই তাকবীর হলো- **الله أكبر الله أكبر لا إله إلا الله والله**। **أكبر الله أكبر والله الحمد**।

^{১৬৫১}. আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ-৪২২

^{১৬৫২}. ইমাম মুসলিম (র.) (২৬১ হি) মুসলিম শরীফ, কিতাবুস সিয়াম, হাদিস নং-২৫৭৩ ও ইমাম নাসাঈ (র.) (৩০৩ হি) নাসাঈ শরীফ, কিতাবুল হজ্জ, ৪/৪৬৩)

পরিশিষ্ট

নফল নামাযের ফযিলত

نفل নফল শব্দটি আরবী। এর অর্থ- অতিরিক্ত। ফরয-ওয়াজিব ও সুন্নতে মুয়াক্কাদা ব্যতীত বান্দা নিজের পক্ষ থেকে স্বেচ্ছায় যে অতিরিক্ত নামায পড়ে তাকে নফল নামায বলা হয়। ফরয-ওয়াজিব ইত্যাদি আল্লাহর পক্ষ হতে বান্দার উপর অপিত দায়িত্ব ও কতর্ব্য। এগুলো পরিত্যাগ করলে জবাবদিহি ও শাস্তিভোগ করতে হয়। সুতরাং বান্দা অনেক সময় শাস্তির ভয়েও তা আদায় করে। কিন্তু নফল নামায না পড়লে কোন গুনাহ বা শাস্তি নেই বরং তা সম্পূর্ণ স্রষ্টার রেজামন্দি লাভের জন্যই আদায় করে। ফলে আল্লাহ তাতেই খুশী হন বেশী। এ ব্যাপারে বিশুদ্ধ হাদিস শরীফে বর্ণিত আছে- وَمَا يَزَالُ عَبْدِي يَتَقَرَّبُ إِلَيَّ بِالتَّوَافُلِ حَتَّى أُحِبَّهُ، فَإِذَا أَحْبَبْتُهُ: كُنْتُ سَمْعَهُ الَّذِي يَسْمَعُ بِهِ، وَبَصَرَهُ الَّذِي يُبْصِرُ بِهِ،

আর وَيَدَهُ الَّتِي يَبْطِشُ بِهَا، وَرَجُلَهُ الَّتِي يَمْشِي بِهَا، وَإِنْ سَأَلَنِي لَأُعْطِيَنَّهُ، وَلَنْ اسْتَغَاذَنِي لَأُعِذَّكَ আমার কতিপয় বান্দা সর্বদা ইবাদতের মাধ্যমে আমার নৈকট্য লাভের চেষ্টা করে, ফলে আমি তাদেরকে ভালবাসি। আমি যখন তাকে ভালবাসি তখন আমি তার কান হয়ে যাই, যা দিয়ে সে শ্রবণ করে। আমি তার চোখ হয়ে যাই যা দিয়ে সে দেখে। আমি তার হাত হয়ে যাই যা দ্বারা সে ধরে। আমি তার পা হয়ে যাই যা দিয়ে সে পথ চলে। সে প্রিয়বান্দা যদি আমার কাছে কোন কিছু প্রার্থনা করে আমি অবশ্যই তাকে তা দান করি। যদি আশ্রয় চায়, তবে অবশ্যই আমি তাকে আশ্রয় দান করি।^{১৬৫৩}

নফল নামায দিয়ে ফরযের ক্ষতিপূরণ করা হবে কিয়ামত দিবসে। হযরত আবু হোরাযরা (রা.) থেকে বর্ণিত, তিনি বলেন, আমি রাসূল ﷺ থেকে শুনেছি- إِنَّ أَوَّلَ مَا يُحَاسَبُ بِهِ الْعَبْدُ يَوْمَ الْقِيَامَةِ مِنْ عَمَلِهِ صَلَاتُهُ، فَإِنْ صَلَحَتْ فَقَدْ أَفْلَحَ وَأَنْجَحَ، وَإِنْ فَسَدَتْ فَقَدْ خَابَ وَخَسِرَ، فَإِنْ انْتَقَصَ مِنْ فَرِيضَتِهِ شَيْءٌ، قَالَ الرَّبُّ عَزَّ وَجَلَّ: انْظُرُوا هَلْ لِعَبْدِي مِنْ تَطَوُّعٍ কিয়ামতের দিন সর্বপ্রথম বান্দার আমলের মধ্যে নামাযের হিসাব গ্রহণ করা হবে। নামায যদি ঠিক হয় তবে সে কৃতকার্য ও সফল হবে। আর নামায যদি বিনষ্ট হয় তবে সে নিরাশ ও ক্ষতিগ্রস্ত হবে। যদি তার ফরয নামাযের মধ্যে কোন ত্রুটি-বিচ্যুতি থাকে তবে আল্লাহ বলবেন, (ফেরেশতাদেরকে) তোমরা দেখ বান্দার কোন নফল নামায আছে কিনা? (যদি থাকে) তা দিয়ে ফরযের ঘাটতি-বিচ্যুতি পূরণ করা হবে। এভাবে অন্যান্য আমল সম্পর্কেও এরূপ করা হবে।^{১৬৫৪} বিশুদ্ধ হাদিসের আলোকে অনেক প্রকারের নফল নামায রয়েছে।

^{১৬৫৩}. ইমাম বুখারী (র.) (২৫৬ হি) সহীহ বুখারী, পৃ-৯৬৩

^{১৬৫৪}. আবু দাউদ ও আহমদ, সূত্র: মিশকাত শরীফ, পৃ-১১৭, হাদিস নং-১২৪৯

নিম্নে কয়েকটির নাম উল্লেখ করা হচ্ছে যা আউলিয়ায়ে কিরাম ও সূফীয়ায়ে ইজামগণ প্রায় নিয়মিত আদায় করতেন এবং এর দ্বারা উভয় জগতের সফলতা লাভ করেছেন।

১. **صلوة التوبة** তথা তাওবার নামায। কোন গুনাহ করার পর বান্দা তাওবা ও ইস্তেগফারের নিয়্যতে কয়েক রাকাত নফল নামায আদায় করা। হাদিস শরীফে হযরত আলী (রা.) থেকে বর্ণিত, তিনি বলেন, আমাকে হযরত আবু বকর (রা.) বলেছেন, আর তিনি সত্য বলেছেন। আমি রাসূল ﷺ কে বলতে শুনেছি— **ثُمَّ مِمَّنْ رَجُلٌ يُذْنِبُ ذَنْبًا، ثُمَّ يَقُومُ فَيُطَهِّرُ، ثُمَّ يُصَلِّي، ثُمَّ يَسْتَغْفِرُ اللَّهَ، إِلَّا غَفَرَ اللَّهُ لَهُ، ثُمَّ قَرَأَ هَذِهِ الْآيَةَ: {وَالَّذِينَ إِذَا فَعَلُوا} يَتُوبُونَ فَيُطَهِّرُونَ، ثُمَّ يَسْتَغْفِرُونَ اللَّهَ، فَيَغْفِرُ اللَّهُ لَهُمْ}** যে ব্যক্তি কোন গুনাহ করবে তারপর উঠে পবিত্রতা অর্জন করবে এবং কিছু নফল নামায পড়বে, তারপর আল্লাহর কাছে ক্ষমা প্রার্থনা করবে, তবে আল্লাহ নিশ্চয় তার গুনাহ ক্ষমা করে দেবেন। এরপর তিনি এ আয়াত পাঠ করেন। “আর যখন তারা কোন গুনাহের কাজ করে অথবা নিজেদের উপর যুলুম করে, তখন আল্লাহকে স্মরণ করে এবং নিজেদের গুনাহের জন্য ক্ষমা প্রার্থনা করে।”^{১৬৫৫}

হযরত আবু বকর (রা.) থেকে বর্ণিত, তিনি বলেন, কোন ব্যক্তি গুনাহ করলে উত্তম ভাবে উযু করে দু'রাকাত নামায পড়ে আল্লাহর কাছে মাগফিরাত চাইলে তার গুনাহ মাফ করে দেয়া হয়।^{১৬৫৬} এই নামাযের নিয়্যত করবে এভাবে—**نُؤَيْتُ أَنْ أَصَلَّى لِلَّهِ تَعَالَى رَكَعَتَيْنِ—** **صَلُوةُ التَّوْبَةِ سُنَّةُ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهِ أَكْبَرُ**

২. **صلوة تحية الوضوء** তাহিইয়াতুল উযূর নামায

সর্বদা পাক পবিত্র থাকা প্রকৃত মু'মিন ও বুযুর্গ ব্যক্তিদের বৈশিষ্ট্য। নামায, কুরআন স্পর্শ ও বায়তুল্লাহ তাওয়াফের জন্য উযু শর্ত। উযু করার পর অন্য কোন ইবাদত করার পূর্বে দু'রাকাত নফল নামায পড়াকে তাহিইয়াতুল উযূর নামায বলা হয়। এই নামাযের ফযিলত সম্পর্কে বিশুদ্ধ হাদিসে হযরত আবু হোরাযরা (রা.) থেকে বর্ণিত আছে—**أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ: قَالَ لِبِلَالٍ «يَا بِلَالُ، حَدِّثْنِي بِأَرْجَى عَمَلٍ عَمِلْتَهُ فِي الْإِسْلَامِ، فَإِنِّي سَمِعْتُ ذَكَرَكَ بَيْنَ يَدَيَّ فِي الْجَنَّةِ»** , **قَالَ مَا عَمِلْتُ عَمَلًا أَرْجَى عِنْدِي مِنْ أَنِّي لَمْ أَتَطَهَّرْ طَهُورًا فِي سَاعَةٍ مِنْ لَيْلٍ أَوْ نَهَارٍ، إِلَّا صَلَّيْتُ بِذَلِكَ الطُّهُورِ مَا كُتِبَ لِي أَنْ أَصَلِّيَ** বিলাল (রা.) কে বলেছেন, হে বিলাল! তুমি ইসলাম গ্রহণের পর সবচেয়ে বেশী আশাশ্রদ যে আমলটি করেছ তা আমাকে বল। কারণ জান্নাতে আমার সম্মুখে আমি

^{১৬৫৫}. তিরমিযী, সূত্র: মিশকাত, পৃ-১১৭, হাদিস নং-১২৪৪

^{১৬৫৬}. আত তারগীবু ফি ফাযায়েলুল আ'মল, ইবনে শাহীন, খণ্ড-১, পৃ-৬৩, হাদিস নং-১৮৬

তোমার পাদুকার আওয়ায শুনেছি। বিলাল (রা.) বললেন, আমার কাছে এর চেয়ে বেশী আশাপ্রদ আর কোন আমল নেই তা হল— যখনই রাতে-দিনে আমি উযু করি তখনই তা দিয়ে আমি নামায পড়েছি। যে পরিমাণ আল্লাহ আমার জন্য লিপিবদ্ধ করেছেন।^{১৬৫৭}

عَنْ بُرَيْدَةَ، قَالَ أَصْبَحَ رَسُولُ اللَّهِ صَلَّى اللَّهُ عَلَيْهِ وَسَلَّمَ فَدَعَا بِلَالًا فَقَالَ: بِمَا سَبَقْتَنِي إِلَى الْجَنَّةِ؟ مَا دَخَلْتُ الْجَنَّةَ قَطُّ إِلَّا سَمِعْتُ خَشْخَشَتَكَ أَمَامِي، قَالَ يَا رَسُولَ اللَّهِ مَا أَذْنْتُ قَطُّ إِلَّا صَلَّيْتُ رَكَعَتَيْنِ، وَمَا أَصَابَنِي حَدَثٌ قَطُّ إِلَّا تَوَضَّأْتُ عِنْدَهُ وَرَأَيْتُ أَنَّ لِلَّهِ عَلَيَّ رَكَعَتَيْنِ. فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ بِهِمَا .

হযরত বুয়ায়দা (রা.) থেকে বর্ণিত, তিনি বলেন, একদিন রাসূল ﷺ সকালে হযরত বিলাল (রা.)কে ডেকে বললেন, কোন আমলের দ্বারা তুমি আমার পূর্বে জান্নাতে পৌছলে? আমি যখনই জান্নাতে প্রবেশ করেছি তখনই আমার সামনে তোমার জুতার শব্দ শুনেছি। তখন বিলাল (রা.) বললেন, ইয়া রাসূল্লাহ! আমি যখনই আযান দিয়েছি তখনই দু'রাকাত নফল নামায পড়েছি এবং যখনই আমার উযু ভঙ্গ হয়েছে আমি তখনই উযু করেছি আর মনে করেছি আল্লাহর উদ্দেশ্যে দু'রাকাত নামায পড়তে হবে। রাসূল ﷺ বললেন, এ দু'কাজের জন্যই তোমার এই মর্যাদা।^{১৬৫৮}

নিয়্যত:

نُؤَيَّتُ أَنْ أَصَلَّى لِلَّهِ تَعَالَى رَكَعَتَي صَلَوةٍ تَحِيَّةٍ الْوُضُوءِ سُنَّةُ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

৩. তাহিয়াতুল মসজিদের নামায

মসজিদে প্রবেশ করে মসজিদের সম্মানার্থে বসার পূর্বে দু'রাকাত নফল নামায পড়াকে তাহিয়াতুল মসজিদ নামায বলা হয়। এটি সুন্নাত। হযরত আবু কাতাদাহ (রা.) থেকে বর্ণিত, তিনি বলেন, রাসূল ﷺ এরশাদ করেন— إِذَا دَخَلَ أَحَدُكُمْ الْمَسْجِدَ فَلَا إِذَا دَخَلَ أَحَدُكُمْ الْمَسْجِدَ فَلَا يَجْلِسُ حَتَّى يُصَلِّيَ رَكَعَتَيْنِ তোমাদের কেউ যখন মসজিদে প্রবেশ করবে তখন সে যেন দু'রাকাত (নফল) নামায পড়ার পূর্বে না বসে।^{১৬৫৯}

^{১৬৫৭}. বুখারী ও মুসলিম, সূত্র: রিয়াদুস সালাহীন, পৃ-৪৫০, হাদিস নং-১১৪৬ ও মিশকাত শরীফ, পৃ-১১৬, হাদিস নং-১২৪২)

^{১৬৫৮}. তিরমিযী, সূত্র: মিশকাত শরীফ, পৃ-১১৭, হাদিস নং-১২৪৬

^{১৬৫৯}. মুসলিম, সূত্র: রিয়াদুস সালাহীন, পৃ-৪৪৯, হাদিস নং-১১৪৪

হযরত জাবির (রা.) থেকে বর্ণিত, তিনি বলেন- **اَتَيْتُ النَّبِيَّ صَلَّى اللَّهُ عَلَيْهِ وَسَلَّمَ وَهُوَ** আমি নবী করিম ﷺ এর কাছে এলাম। তখন তিনি মসজিদে ছিলেন। তিনি বললেন, দু'রাকাত নামায পড়ে নাও।^{১৬৬০}

রাসূল ﷺ এর সাহাবী হযরত আবু কাতাদাহ (রা.) থেকে বর্ণিত, তিনি বলেন, একদিন আমি মসজিদে প্রবেশ করলাম আর রাসূল ﷺ লোকদের মধ্যখানে বসা ছিলেন। আমিও বসে গেলাম। রাসূল ﷺ বললেন, বসার পূর্বে দু'রাকাত নামায পড়তে তোমাকে কিসে নিষেধ করল? আমি আরয় করলাম, হে আল্লাহর রাসূল! আমি আপনাকে এবং লোকদেরকে বসা দেখেছি তাই বসে গিয়েছি। রাসূল ﷺ বললেন- **فَإِذَا دَخَلَ** যখনই তোমাদের কেউ মসজিদে প্রবেশ করবে, সে যেন দু'রাকাত নামায পড়া ব্যতীত না বসে।^{১৬৬১}

নিয়্যত:

نُؤَيَّتُ أَنْ أَصَلَّى لِلَّهِ تَعَالَى رَكَعَتَي صَلَوةٍ تَحِيَّةِ الْمَسْجِدِ سُنَّةُ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

৪. চাশতের ও ইশরাকের নামায

ফজরের নামাযের পরে সূর্য উদয়ের পর থেকে অর্ধ দিবসের পূর্ব পর্যন্ত সময়ের মধ্যে দুই থেকে বার রাকাত নামায পড়াকে **صَلَاةُ الضُّحَى** বা চাশতের নামায বলা হয়। হযরত আবু হোরাযরা (রা.) থেকে বর্ণিত, তিনি বলেন- **«بَصِيَامٌ ثَلَاثَةِ أَيَّامٍ مِنْ كُلِّ** আমার অন্তরঙ্গ বন্ধু রাসূল ﷺ আমাকে ওয়াসীয়াত করেছেন প্রতি মাসে তিন দিন রোযা রাখতে, চাশতের দু'রাকাত নামায পড়তে এবং শয়নের পূর্বে বিতর নামায পড়ে নিতে।^{১৬৬২}

হযরত আবু যর (রা.) থেকে বর্ণিত, নবী করিম ﷺ এরশাদ করেন- **«يُصْبِحُ عَلَى** **كُلِّ سَلَامٍ مِنْ أَحَدِكُمْ صَدَقَةٌ، فَكُلُّ تَسْبِيحَةٍ صَدَقَةٌ، وَكُلُّ تَحْمِيدَةٍ صَدَقَةٌ، وَكُلُّ تَهْلِيلَةٍ صَدَقَةٌ، وَكُلُّ تَكْبِيرَةٍ صَدَقَةٌ، وَأَمْرٌ بِالْمَعْرُوفِ صَدَقَةٌ، وَنَهْيٌ عَنِ الْمُنْكَرِ صَدَقَةٌ، وَيُجْزَى مِنْ ذَلِكَ رَكْعَتَانِ** প্রভাত হওয়া মাত্রই তোমাদের প্রত্যেক ব্যক্তির দেহের গ্রন্থিগুলোর উপর সাদকা ওয়াজিব হয়ে যায়। কাজেই প্রত্যেক 'সুবাহান্নাল্লাহ' বলা সাদকা স্বরূপ,

^{১৬৬০} বুখারী ও মুসলিম, সূত্র: রিয়াদুস সালাহীন, পৃ-৪৪৯, হাদিস নং-১১৪৫

^{১৬৬১} ইমাম মুসলিম, সূত্র: সহীহ মুসলিম, হাদিস নং-১৫৫২

^{১৬৬২} বুখারী ও মুসলিম, সূত্র: রিয়াদুস সালাহীন, পৃ-৪৪৮, হাদিস নং-১১৩৯

প্রত্যেক আলহামদুলিল্লাহ বলা সদকা স্বরূপ, প্রত্যেক 'লা ইলাহা ইল্লাল্লাহ' বলা সদকা স্বরূপ। আর সৎকাজের আদেশ করা সদকা এবং অসৎকাজ থেকে বিরত রাখা সদকা স্বরূপ। আর কেউ এসবের বিকল্প হিসাবে চাশতের দু'রাকাত পড়লে তা যথেষ্ট হবে।^{১৬৬৩} অর্থাৎ মানুষের শরীরে তিনশত ষাটটি জোড়া রয়েছে। এগুলো প্রতিটির উপর সদকা ওয়াজিব। হাদিসে বর্ণিত যিকর ও ভাল কাজসমূহ দ্বারা এই সদকা আদায় হয়ে যায়। যদি কেউ ঐ সব যিকর ও ভাল কাজসমূহ করতে অক্ষম হয় তবে যদি সে দু'রাকাত চাশতের নামায পড়ে তাহলে ঐসব আমল ও সদকা আদায় হয়ে যাবে। عَنْ عَائِشَةَ، قَالَتْ: «كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُصَلِّي الضُّحَى أَرْبَعًا، وَيَزِيدُ مَا شَاءَ اللَّهُ» (রা.) থেকে বর্ণিত, তিনি বলেন, রাসূল ﷺ চার রাকাত চাশতের নামায পড়তেন এবং আল্লাহর ইচ্ছায় আরো বেশী পড়তেন।^{১৬৬৪} হযরত উম্মে হানী ফাখিতা বিনতে আবু তালেব (র.) থেকে বর্ণিত, তিনি বলেন— ذَهَبْتُ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ عَامَ آمِي مَكَّةَ صَلَّى ثَمَانِي رَكَعَاتٍ وَذَلِكَ ضَحَى الْفَتْحِ، فَوَجَدْتُهُ يَغْتَسِلُ، فَلَمَّا فَرَغَ مِنْ غُسْلِهِ بِيَجْزَيْهِ بَحْرٌ رَسُوْلُ ﷺ এর কাছে গেলাম। আমি তাঁকে গোসলরত অবস্থায় পেলাম। তিনি গোসল শেষে আট রাকাত (নফল) নামায পড়লেন। এটা ছিল চাশতের নামায।^{১৬৬৫} সূর্য উদয়ের পর পর পড়লে ইশরাক বলে আর বিলম্বে পড়লে চাশতের নামায বলে। তিরমিযী শরীফে হযরত আনাস (রা.) থেকে বর্ণিত, নবী করিম ﷺ এরশাদ করেন— যে ব্যক্তি জামাত সহকারে ফজরের নামায পড়ে সূর্যোদয় পর্যন্ত আল্লাহর যিকরে রত থাকে অতপর দু'রাকাত নফল নামায পড়ে সে পূর্ণ হজ্জ ও উমরার সাওয়াব লাভ করবে।^{১৬৬৬} ইমাম তিরমিযী ও ইবনে মাজাহ (র.) হযরত আনাস (রা.) থেকে বর্ণনা করেন— যে ব্যক্তি চাশতের বার রাকাত পড়বে, আল্লাহ তার জন্য জান্নাতে স্বর্ণের বালানানা নির্মাণ করবেন।^{১৬৬৭}

তাবরানী শরীফে হযরত আবু দারদা (রা.) থেকে বর্ণিত আছে, নবী করিম ﷺ এরশাদ করেন, যে ব্যক্তি চাশতের দু'রাকাত পড়ল, তার নাম অলসদের মধ্যে লিপিবদ্ধ করা হবে না। যে ব্যক্তি ছয় রাকাত পড়বে, ঐ দিন তার জন্য যথেষ্ট হবে। যে আট রাকাত পড়বে, আল্লাহ তার নাম বিনয়ীদের তালিকায় লিপিবদ্ধ করবেন। যে বার রাকাত পড়বে, আল্লাহ জান্নাতে তার জন্য একটি প্রাসাদ তৈরি করবেন।^{১৬৬৮} ইমাম আহমদ, তিরমিযী ও ইবনে মাজাহ (র.) হযরত আবু হোরাযরা (রা.) থেকে বর্ণনা করেন, নবী করিম ﷺ এরশাদ করেন, যে চাশতের দু'রাকাত নিয়মিত পড়বে, তার গুনাহ ক্ষমা করা

^{১৬৬৩} মুসলিম, সূত্র: রিয়াদুস সালাহীন, পৃ-৪৪৮, হাদিস নং-১১৪০, বৈরুত ও মিশকাত, পৃ-১১৬, হাদিস নং-১২৩৩

^{১৬৬৪} মুসলিম, সূত্র: রিয়াদুস সালাহীন, পৃ-৪৪৮, হাদিস নং-১১৪১

^{১৬৬৫} বুখারী ও মুসলিম, সূত্র: রিয়াদুস সালাহীন, পৃ-৪৪৮, হাদিস নং-১১৪২

^{১৬৬৬} মুফতি আমজাদ আলী (র.) বাহারে শরীয়ত, খণ্ড-৪, পৃ-২০

^{১৬৬৭} তিরমিযী ও ইবনে মাজাহ, সূত্র: মিশকাত শরীফ, পৃ-১১৬, হাদিস নং-১২৩৭ ও মুফতি আমজাদ আলী (র.) বাহারে শরীয়ত, খণ্ড-৪, পৃ-২১

^{১৬৬৮} মুফতি আমজাদ আলী (র.) বাহারে শরীয়ত, খণ্ড-৪, পৃ-২২

হবে, যদিও সমুদ্রের ফেনার সমান হয়।^{১৬৬৯} হযরত আবু দারদা ও আবু যর গিফারী (রা.) থেকে বর্ণিত, তাঁরা বলেন, রাসূল ﷺ আল্লাহ তায়ালার পক্ষ থেকে বলেছেন, আল্লাহ বলেন—يَا ابْنَ آدَمَ ارْكَعْ لِي أَرْبَعَ رَكَعَاتٍ مِنْ أَوَّلِ النَّهَارِ أَكْفِكَ آخِرَهُ হে আদম সন্তান! তুমি আমার জন্য চার রাকাত (নফল) নামায পড় দিনের প্রথমাংশে আমি তোমার জন্য যথেষ্ট হবো দিনের শেষাংশে।^{১৬৭০}

ইশরাকের নামাযের নিয়্যত:

نَوَيْتُ أَنْ أُصَلِّيَ لِلَّهِ تَعَالَى رَكَعَتَي صَلَاةِ الْإِشْرَاقِ سُنَّةَ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

চাশতের নামাযের নিয়্যত:

نَوَيْتُ أَنْ أُصَلِّيَ لِلَّهِ تَعَالَى رَكَعَتَي صَلَاةِ الضُّحَى سُنَّةَ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

৪. صلاة الحاجة তথা হাজতের নামায:

عَنْ عَبْدِ اللَّهِ بْنِ أَبِي أَوْفَى، قَالَ: قَالَ رَسُولُ اللَّهِ ﷺ: مَنْ كَانَتْ لَهُ إِلَى اللَّهِ حَاجَةٌ، أَوْ إِلَى أَحَدٍ مِنْ بَنِي آدَمَ فَلْيَتَوَضَّأْ وَلْيُحْسِنِ الْوُضُوءَ، ثُمَّ لِيُصَلِّ رَكَعَتَيْنِ، ثُمَّ لِيُثْنِ عَلَى اللَّهِ، وَلْيُصَلِّ عَلَى النَّبِيِّ ﷺ، ثُمَّ لِيَقُلْ: لَا إِلَهَ إِلَّا اللَّهُ الْحَلِيمُ الْكَرِيمُ، سُبْحَانَ اللَّهِ رَبِّ الْعَرْشِ الْعَظِيمِ، الْحَمْدُ لِلَّهِ رَبِّ الْعَالَمِينَ، أَسْأَلُكَ مُوجِبَاتِ رَحْمَتِكَ، وَغَزَائِمَ مَغْفِرَتِكَ، وَالْغَنِيمَةَ مِنْ كُلِّ بَرٍّ، وَالسَّلَامَةَ مِنْ كُلِّ إِثْمٍ، لَا تَدْعُ لِي ذَنْبًا إِلَّا غَفَرْتَهُ، وَلَا هَمًّا إِلَّا فَرَجْتَهُ، وَلَا حَاجَةً هِيَ لَكَ رِضًا إِلَّا قَضَيْتَهَا يَا أَرْحَمَ الرَّاحِمِينَ

হযরত আব্দুল্লাহ ইবনে আবু আউফা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তির প্রয়োজন আছে আল্লাহ কিংবা কোন মানুষের কাছে, সে যেন উত্তমরূপে উযু করে দু'রাকাত নামায পড়ে। অতঃপর মহান আল্লাহর প্রশংসা করে এবং নবী করিম ﷺ এর উপর দুরূদ শরীফ পাঠ করবে তারপর বলবে— আল্লাহ ব্যতীত কোন মাবুদ নেই, তিনি ধৈর্যশীল, মহামহিম, আমি মহান আরশের প্রভুর পবিত্রতা বর্ণনা করছি এবং সমস্ত প্রশংসা আল্লাহর জন্য, যিনি সমগ্র পৃথিবীর মালিক। আমি তোমার

^{১৬৬৯} মুফতি আমজাদ আলী (র.) বাহারে শরীয়ত, খণ্ড-৪, পৃ-২২

^{১৬৭০} তিরমিযী, আবু দাউদ ও দারেমী (র.) হাদিস খানা নুআঈম ইবনে হাম্মার থেকে আর ইমাম আহমদ (র.) উপরোক্ত সকলের থেকে বর্ণনা করেছেন। সূত্র: মিশকাত শরীফ, পৃ-১১৬, হাদিস নং-১২৩৫

আবশ্যকীয় রহমতের এবং তোমার দৃঢ় ক্ষমা প্রার্থনা করছি। প্রত্যেক সৎকাজের প্রাপ্তি এবং প্রত্যেক অসৎকাজ থেকে মুক্তি কামনা করছি। তুমি আমার সব অপরাধ মার্জনা করে দিও, সব বিপদ দূরীভূত করে দিও এবং সকল হাজত যা দিয়ে তোমার সন্তুষ্টি অর্জন করা যায় পূর্ণ করে দিও।^{১৬৭১}

হযরত হুযায়ফা (রা.) **عَنْ حُذَيْفَةَ قَالَ كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا حَزَنَهُ أَمْرٌ صَلَّى** থেকে বর্ণিত, তিনি বলেন, রাসূল **ﷺ** এর যখন কোন কিছুর প্রয়োজন হত কিংবা তিনি চিন্তিত হতেন তখন তিনি নফল নামায পড়তেন।^{১৬৭২} হাজত পূরণের নামায দু'রাকাত অথবা চার রাকাত পড়বে। হাদিস শরীফে আছে প্রথম রাকাতে সূরা ফাতিহা ও তিনবার আয়তুল কুরসী এবং অবশিষ্ট তিন রাকাতে সূরা ফাতিহা ও কুল হুআল্লাহু আহাদ, কুল আউযু বিরাব্বিল ফালাক এবং কুল আউযু বি রাব্বিন নাস একবার করে পড়বে। এ নামায যেন শবে কদরে চার রাকাত পড়ল। অর্থাৎ শবে কদরের নামাযের ন্যায় সাওয়াব প্রাপ্ত হবে। মাশায়েখগণ বলেন, এ নামায আমরা পড়েছি এবং আমাদের হাজত পূরণ হয়েছে।^{১৬৭৩}

ইমাম তিরমিযী হাসান ও সহীহ সূত্রে, ইবনে মাজাহ ও তাবরানী হযরত ওসমান ইবনে হানিফ (রা.) থেকে বর্ণনা করেন, একদিন এক অন্ধ ব্যক্তি নবী করিম **ﷺ** এর খেদমতে উপস্থিত হয়ে আরয করলেন, আমার আরোগ্যের জন্য দোয়া করুন। তিনি বললেন, তুমি চাইলে দোয়া করব, আর যদি ধৈর্যধারণ কর তবে সেটিই হবে তোমার জন্য উত্তম। লোকটি আরয করলেন, দোয়া করুন। রাসূল **ﷺ** নির্দেশ দিলেন, উযু কর, উত্তম রূপে কর এবং দু'রাকাত নামায পড়ে এ দোয়া পাঠ কর। **اَللّٰهُمَّ اِنِّىْ اَسْئَلُكَ اَتَوْسَلُّ وَاَتَوَجَّهُ اِلَيْكَ بِنَبِيِّكَ مُحَمَّدٍ نَّبِيِّ الرَّحْمَةِ يَا رَسُوْلَ اللّٰهِ اِنِّىْ تَوَجَّهْتُ بِكَ اِلَى رَبِّىْ فِى حَاجَتِىْ هَذِهِ** **اَللّٰهُمَّ اِنِّىْ اَسْئَلُكَ اَتَوْسَلُّ** হে আল্লাহ! আমি তোমার নিকট প্রার্থনা করছি, উসীলা ধারণ করছি এবং তোমার নবীর উসীলায় তোমার প্রতি মনোনিবেশ করছি যিনি রহমতের নবী। হে আল্লাহর রাসূল! আমি আপনার মাধ্যমে আমার এ প্রয়োজন পূরণার্থে আমার প্রভুর দিকে মনোনিবেশ করছি। যেন আমার উদ্দেশ্য পূরণ হয়। হে আল্লাহ! আমার অনুকূলে তাঁর সুপারিশ কবুল কর। ওসমান ইবনে হানিফ (রা.) বলেন, আল্লাহর শপথ! আমরা

^{১৬৭১}. তিরমিযী, সূত্র: মিশকাত শরীফ, পৃ-১১৭, হাদিস নং-১২৪৭

^{১৬৭২}. আবু দাউদ, সূত্র: মিশকাত, পৃ-১১৭, হাদিস নং-১২৪৫

^{১৬৭৩}. মুফতি আমজাদ আলী (র.) বাহারে শরীয়ত, খণ্ড-৪, পৃ-২৯

এখনো উঠিনি, আলোচনায় রত আছি, অন্ধ লোকটি আমাদের সামনে আসলেন যেন কখনো অন্ধই ছিলেন। অর্থাৎ তাঁর দৃষ্টিশক্তি ফেরত পেয়েছেন।^{১৬৭৪}

এভাবে হাজত পূরণের জন্য একটি পরীক্ষিত নামায আছে, যা ওলামাগণ সর্বদা পড়ে আসছেন। তা হল- ইমাম আ'যম আবু হানিফা (র.)'র মাযারে গিয়ে দু'রাকাত নামায পড়বে এবং ইমাম আ'যম (র.)'র উসীলা নিয়ে আল্লাহর কাছে প্রার্থনা করবে। ইমাম শাফেঈ (র.) বলেন, আমি এরূপ করতাম আর দ্রুত আমার হাজত পূরণ হয়ে যেত।^{১৬৭৫}

হাজত পূরণের আর এক প্রকারের পরীক্ষিত নামায আছে যাকে সালাতুল আসরার বলা হয়। ইমাম আবুল হাসান নুরুদ্দীন আলী ইবনে জারীর শাতনূফী (র.) বাহজাতুল আসরার গ্রন্থে এবং মোল্লা আলী ক্বারী (র.) ও শায়খ আব্দুল হক মুহাদ্দিস দেহলভী (র.) হযরত গাউসুল আ'যম (র.) থেকে বর্ণনা করেন। এর নিয়ম হল- মাগরীবের নামাযের পর সুন্নাতসমূহ পড়ে দু'রাকাত নফল নামায পড়বে। উত্তম হল- সূরা ফাতিহার পর প্রত্যেক রাকাতে এগার বার সূরা ইখলাস পড়বে এবং সালাম ফিরানোর পর আল্লাহ তায়ালার প্রশংসা করবে তারপর নবী করিম ﷺ এর উপর দুরূদ সালাম পাঠ করবে। অতঃপর এগারবার বলবে- **يَا رَسُولَ اللَّهِ يَا نَبِيَّ اللَّهِ اغْنِنِي وَأَمْدُدْنِي فِي قَضَاءِ حَاجَتِي يَا فَاضِيَ الْحَاجَاتِ** হে আল্লাহর রাসূল! হে আল্লাহর নবী! আমার উদ্দেশ্য পূরণের জন্য আমাকে সাহায্য করুন, হে উদ্দেশ্যসমূহ পূরণকারী! অতঃপর ইরাকের দিকে এগার কদম অগ্রসর হবে এবং প্রতি কদমে এ দোয়া পাঠ করবে- **يَا غَوْثَ الثَّقَلَيْنِ وَيَا كَرِيمَ الطَّرْفَيْنِ اغْنِنِي وَأَمْدُدْنِي فِي قَضَاءِ حَاجَتِي** হে জ্বিন-ইনসানের সাহায্যকারী! হে পিতা-মাতা উভয় দিক থেকে সম্মানিত! আমার উদ্দেশ্য পূরণে আমাকে সাহায্য করুন। হে উদ্দেশ্যসমূহ পূরণকারী! তারপর রাসূল ﷺ এর উসীলায় আল্লাহর দরবারে প্রার্থনা করবে।^{১৬৭৬}

নিয়্যত :

نَوَيْتُ أَنْ أُصَلِّيَ لِلَّهِ تَعَالَى رَكْعَتَي صَلَوةِ الْحَاجَةِ سُنَّةُ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

^{১৬৭৪} মুফতি আমজাদ আলী (র.) বাহারে শরীয়াত, খণ্ড-৪, পৃ-৩০

^{১৬৭৫} আল্লামা শামী (র.) (১৩০৬ হি), রদ্দুল মুহতার, খণ্ড-১, পৃ-১৩৪ ও ইবনে হাজর মক্কী (র.) (৯৭৩ হি) আল খায়রাতুল হিসান, সূত্র: বাহারে শরীয়াত, খণ্ড-৪, পৃ-৩১

^{১৬৭৬} মুফতি আমজাদ আলী (র.) বাহারে শরীয়াত, খণ্ড-৪, পৃ-৩১

ইস্তিখারার নামায

ইস্তিখারা অর্থ কল্যাণ অন্বেষণ করা। এই নামাযের দ্বারা যেহেতু আল্লাহর কাছে কল্যাণকর কাজের প্রার্থনা করা হয় এবং অকল্যাণজনক কাজ থেকে আল্লাহর কাছে আশ্রয় প্রার্থনা করা হয় তাই এটাকে ইস্তিখারার নামায বলে। এটি কোন গুরুত্বপূর্ণ ও জরুরী কাজের জন্য পড়া হয়। যেসব কাজের ভাল-মন্দ ও লাভ-লোকসান সম্পর্কে মনের মধ্যে সন্দেহ সৃষ্টি হয় এবং মানুষের জ্ঞান বৃদ্ধি কোন একটিকে প্রাধান্য দিতে দ্বিধা-দ্বন্দ্বে পতিত হয়। এসব বিষয়ে সঠিক সিদ্ধান্তে পৌঁছার জন্য আল্লাহর সাহায্য চাওয়া হয়। এই নামায ও দোয়ার বরকতে আল্লাহ তায়ালা বান্দাকে স্বপ্নের মাধ্যমে কিংবা মনের আত্মহু হু বাড়িয়ে দিয়ে সঠিক সিদ্ধান্তের প্রতি ইঙ্গিত করেন অথবা মনের মধ্যে অনাগ্রহ সৃষ্টি করে ভুল সিদ্ধান্ত থেকে মনকে ফিরিয়ে রাখেন। তবে সর্বদা সাধারণ মানুষ আল্লাহর ইঙ্গিত সমূহ বুঝতে সক্ষম হয়না বিধায় কোন আল্লাহর মকবুল ও অভিজ্ঞ বান্দার সাহায্য নিলে এতে সঠিক ফল পাওয়া যায়।

ইমাম আবু হানিফা স্বীয় সূত্রে হযরত আবু হোরায়ারা (রা.) থেকে বর্ণনা করেন, তিনি বলেন, **يَعْلَمُنَا الْاِسْتِخَارَةَ كَمَا يَعْلَمُنَا السُّورَةَ مِنَ الْقُرْآنِ** রাসূল ﷺ আমাদেরকে এমনভাবে ইস্তিখারা শিক্ষা দিতেন যেভাবে পবিত্র কুরআনের সূরা শিক্ষা দিতেন।^{১৬৭৭}

عَنْ جَابِرٍ قَالَ كَانَ رَسُولُ اللَّهِ ﷺ يُعْلَمُنَا الْاِسْتِخَارَةَ فِي الْأُمُورِ كَمَا يَعْلَمُنَا السُّورَةَ مِنَ الْقُرْآنِ يَقُولُ "إِذَا هُمْ أَحَدُكُمْ بِالْأَمْرِ فَلْيَرْكَعْ رَكَعَتَيْنِ غَيْرِ الْفَرِيضَةِ ثُمَّ لِيَقُلْ: اللَّهُمَّ إِنِّي أَسْتَخِيرُكَ بِعِلْمِكَ وَأَسْتَقْدِرُكَ بِقُدْرَتِكَ وَأَسْأَلُكَ مِنْ فَضْلِكَ الْعَظِيمِ، فَإِنَّكَ تَقْدِرُ وَلَا أَقْدِرُ وَتَعْلَمُ وَلَا أَعْلَمُ وَأَنْتَ عَلَّامُ الْغُيُوبِ، اللَّهُمَّ إِنْ كُنْتَ تَعْلَمُ أَنَّ هَذَا الْأَمْرَ خَيْرٌ لِي فِي دِينِي وَمَعَاشِي وَعَاقِبَةِ أَمْرِي أَوْ قَالَ فِي عَاجِلِ أَمْرِي وَآجِلِهِ فَأَقْدِرْهُ لِي وَيَسِّرْهُ لِي ثُمَّ وَبَارِكْ لِي فِيهِ، وَإِنْ كُنْتَ تَعْلَمُ أَنَّ هَذَا الْأَمْرَ شَرٌّ لِي فِي دِينِي وَمَعَاشِي وَعَاقِبَةِ أَمْرِي أَوْ قَالَ فِي عَاجِلِ أَمْرِي وَآجِلِهِ فَاحْرِفْهُ عَنِّي وَأَصْرِفْنِي عَنْهُ وَأَقْدِرْ الْخَيْرَ حَيْثُ كَانَ ثُمَّ ارْضِنِي بِهِ قَالَ وَيُسَمِّي حَاجَتَهُ .

হযরত জাবির (রা.) থেকে বর্ণিত, তিনি বলেন, রাসূল ﷺ আমাদেরকে বিশেষ কাজে আল্লাহর কাছে ইস্তিখারা করার নিয়ম শিক্ষা দিতেন, যেভাবে তিনি আমাদেরকে কুরআনের সূরা শিক্ষা দিতেন। তিনি বলতেন, যখন তোমাদের কেউ কোন কাজের ইচ্ছে করবে, তখন সে যেন ফরয ব্যতীত দু'রাকাত নামায পড়ে। অতপর বলে, হে আল্লাহ! আমি তোমার কাছে তোমারই জ্ঞানের সাহায্যে এ বিষয়ে ভাল দিক প্রার্থনা করছি এবং

^{১৬৭৭}. ইমাম আ'যম আবু হানিফা (র.) (১৮০ হি), মুসনাদে ইমাম আ'যম ও ইমাম আবু দাউদ (র.) আবু দাউদ শরীফ, খণ্ড-২, পৃ-৮৯ হাদিস নং-১৫৩৮

তোমারই ক্ষমতার সাহায্যে তোমার কাছে ক্ষমতা প্রার্থনা করছি। কেননা তুমি ক্ষমতা রাখ, আর আমি ক্ষমতা রাখিনা। তুমি এটার ভাল মন্দের জ্ঞান রাখ আর আমি রাখিনা। তুমি অদৃশ্যের বিষয়ে জ্ঞাত। হে আল্লাহ! তুমি যদি জান যে, এ বিষয়ে আমার জন্য ভাল হবে- আমার দ্বীনের ব্যাপারে আমার জীবন ধারণের ব্যাপারে ও আমার পরিণামে অথবা তিনি বলেছেন- আমার ইহ ও পরকালের তা হলে তুমি এটা আমার জন্য নির্ধারণ কর এবং এটা আমার জন্য সহজ করে দাও। তারপর আমার জন্য বরকত দান কর। আর তুমি যদি জান যে বিষয়টি আমার জন্য অকল্যাণকর আমার দ্বীনের ব্যাপারে, আমার জীবনযাপনের ব্যাপারে ও আমার পরিণামের ব্যাপারে অথবা তিনি বলেছেন- আমার ইহ ও পরকালে তা হলে তুমি একাজ আমার থেকে ফিরিয়ে রাখ এবং আমাকেও সে কাজ থেকে ফিরিয়ে রাখ। আর আমার জন্য কল্যাণ নির্ধারণ কর তা যেথায় আছে। তারপর তুমি আমাকে সে ব্যাপারে সন্তুষ্ট রাখ। তারপর তিনি বলেন, এসব শব্দের স্থলে প্রার্থনাকারী যেন নিজের প্রয়োজনীয় বিষয়ের নাম উল্লেখ করে।^{১৬৭৮}

নিয়্যত :

نَوَيْتُ أَنْ أُصَلِّيَ لِلَّهِ تَعَالَى رَكَعَتِي صَلَوةِ الْاِسْتِخَارَةِ سُنَّةَ رَسُولِ اللَّهِ تَعَالَى مُتَوَجِّهًا إِلَى جِهَةِ
الْكَعْبَةِ الشَّرِيفَةِ اللَّهُ أَكْبَرُ

আওয়াবীন নামায

عَنْ أَبِي هُرَيْرَةَ، قَالَ: قَالَ رَسُولُ اللَّهِ ﷺ: مَنْ صَلَّى بَعْدَ الْمَغْرِبِ سِتَّ رَكَعَاتٍ لَمْ يَتَكَلَّمْ
فِيمَا بَيْنَهُنَّ بِسَوْءٍ عُدِّلْنَ لَهُ بِعِبَادَةِ ثِنْتِي عَشْرَةَ سَنَةً

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি মাগরীবে নামাযের পর ছয় রাকাত নামায পড়বে ঐ সময় সে কোন মন্দ কথা বলবেনা, তবে তার সেই নামায বার বছরের ইবাদতের সমান গণ্য করা হবে।^{১৬৭৯}

عَنْ عَائِشَةَ، قَالَتْ: قَالَ رَسُولُ اللَّهِ ﷺ: «مَنْ صَلَّى، بَيْنَ الْمَغْرِبِ وَالْعِشَاءِ، عِشْرِينَ رَكَعَةً
بَنَى اللَّهُ لَهُ بَيْتًا فِي الْجَنَّةِ

হযরত আয়েশা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি মাগরীব ও এশার মধ্যখানে বিশ রাকাত নামায পড়বে, আল্লাহ তার জন্য জান্নাতে একটি ঘর তৈরি করবেন।^{১৬৮০}

^{১৬৭৮} বুখারী, সূত্র: মিশকাত, পৃ-১১৬, হাদিস নং-১২৪৩ ও ইমাম আবু হানিফা (র.), মুসনাদে ইমাম আ'যম (র.) হাদিস নং-১৬৯

^{১৬৭৯} তিরমিযী, সূত্র: মিশকাত, পৃ-১০৪, হাদিস নং-১১০২ ও ইবনে শাহীন (র.) (২৮৫ হি) আত তারগীবু ফি ফাযায়েলুল আ'মাল, খণ্ড-১, পৃ-৩২, হাদিস নং-৭৮

^{১৬৮০} তিরমিযী, সূত্র: মিশকাত, পৃ-১০৪, হাদিস নং-১১০৩ ও ইবনে শাহীন (র.) (২৮৫ হি) আত তারগীবু ফি ফাযায়েলুল আ'মাল, খণ্ড-১, পৃ-৩১, হাদিস নং-৭৮

عَنْ أَبِي بَكْرٍ، قَالَ: سَمِعْتُ رَسُولَ اللَّهِ ﷺ يَقُولُ: «مَنْ صَلَّى الْمَغْرِبَ وَصَلَّى مِنْ بَعْدِهَا رَكْعَتَيْنِ قَبْلَ أَنْ يَتَكَلَّمَ، أَسْكَنَهُ اللَّهُ عَزَّ وَجَلَّ فِي حَظِيرَةِ الْقُدُسِ»، قُلْتُ: فَإِنْ صَلَّى بَعْدَهَا أَرْبَعًا؟ قَالَ: «كَمَنْ حَجَّ حَجَّةً بَعْدَ حَجَّةٍ». قُلْتُ: فَإِنْ صَلَّى بَعْدَهَا سِتًّا؟ قَالَ: «يَغْفِرُ اللَّهُ لَهُ ذُنُوبَ خَمْسِينَ عَامًا»

হযরত আবু বকর (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি, যে ব্যক্তি মাগরীবের নামায পড়বে এবং এরপর দু'রাকাত নামায পড়বে কোন কথা বলার পূর্বে তবে আল্লাহ তায়ালা তাকে পবিত্রময় সর্বোচ্চ স্থানে অবস্থান করার সুযোগ করে দেবেন। আমি বললাম, যদি কেউ মাগরীবের পর চার রাকাত পড়ে? তিনি বললেন, সে যেন একবার হজ্জ্ব করার পর দ্বিতীয়বার হজ্জ্ব করল। অর্থাৎ নফল হজ্জের সাওয়াব পাবে। আমি বললাম, যদি কেউ মাগরীবের পর ছয় রাকাত নামায পড়ে? তিনি বললেন, তবে আল্লাহ তায়ালা তার পঞ্চাশ বছরের গুনাহ ক্ষমা করে দেবেন।^{১৬৮১}

নিয়ত :

نَوَيْتُ أَنْ أَصَلِّيَ لِلَّهِ تَعَالَى رَكْعَتَي صَلَاةِ الْاَوَّابَيْنِ سُنَّةَ رَسُولِ اللَّهِ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

সালাতুত তাসবীহ

হযরত আব্দুল্লাহ ইবনে আব্বাস (রা.) থেকে বর্ণিত, নবী করিম ﷺ আমার পিতা আব্বাস ইবনে আব্দুল মোত্তালিব (রা.) কে বললেন, হে আব্বাস! হে আমার চাচা! আমি কি আপনাকে দিব না, আমি কি আপনাকে দান করবনা, আমি কি আপনাকে বলবনা, আমি কি করবনা আপনার সাথে দশটি কাজ? **أَوَّلُهُ** যখন আপনি তা করবেন, আল্লাহ আপনার পূর্বের গুনাহ, পরের গুনাহ, পুরাতন গুনাহ, নতুন গুনাহ, ইচ্ছাকৃত গুনাহ, ছোট গুনাহ এবং গোপন গুনাহ ও প্রকাশ্য গুনাহ ক্ষমা করে দিবেন। কাজটি হল আপনি চার রাকাত নামায পড়বেন। প্রত্যেক রাকাতে সূরা ফাতিহা ও অন্য একটি সূরা পড়বেন। প্রথম রাকাতে সূরা পড়ার পর দাঁড়ানো অবস্থায় “সুবাহানাল্লাহি ওয়াল হামদু লিল্লাহি ওয়া লা ইলাহা ইল্লাল্লাহু ওয়াল্লাহু আকবর” পনের বার পড়বেন। অতঃপর রুকুতে (নির্দিষ্ট তাসবীহের পর) পড়বেন দশবার। তারপর রুকু থেকে মাথা তুলে পড়বেন দশবার। তারপর সিজদায় গিয়ে (নির্দিষ্ট তাসবীহের পর) পড়বেন দশবার। তারপর সিজদা থেকে উঠে বসে পড়বেন দশবার। তারপর দ্বিতীয় সিজদায় গিয়ে পূর্বের ন্যায় পড়বেন দশবার। তারপর মাথা উঠাবেন এবং পড়বেন দশবার। সুতরাং প্রত্যেক

রাকাতে এই দোয়াটি পড়তে হবে পাঁচাত্তর বার। এভাবে আপনি চার রাকাত নামায পড়বেন। সম্ভব হলে প্রতিদিন একবার এই নামায পড়বেন। যদি তা সম্ভব না হয় তবে অন্তত প্রতি জুমায় একবার পড়বেন। যদি তাও সম্ভব না হয় তবে অন্তত প্রতি বছরে একবার পড়বেন। আর যদি তাও সম্ভব না হয় তাহলে সারা জীবনে অন্তত একবার পড়বেন।^{১৬৮২}

উল্লেখ্য যে হাদিস শরীফে কিরাতেৱ পর পনেরবার পড়তে বলা হয়েছে। তবে অন্যন্য কিতাবে বলা হয়েছে তাকবীরে তাহরীমার পর সানা পড়ার পর উক্ত দোয়া পড়বে পনের বার এবং কিরাতেৱ পর পড়বে দশবার। অতএব দ্বিতীয় সিজদার পর উক্ত দোয়া আর পড়তে হবে না। মোটকথা হল— সানা পড়ার পর পনের বার, কিরাতেৱ পর রুকুৱ পূর্বে দশবার, রুকুতে দশবার, রুকু থেকে উঠে দশবার, প্রথম সিজদায় দশবার, সিজদা থেকে উঠে দশবার, দ্বিতীয় সিজদায় দশবার। এভাবে এক রাকাতে পঁচাত্তর বার করে চার রাকাতে মোট তিনশত বার উক্ত দোয়া পড়তে হয়।^{১৬৮৩}

নিয়্যতঃ

نَوَيْتُ أَنْ أُصَلِّيَ لِلَّهِ تَعَالَى رَكَعَاتِ صَلَاةِ التَّسْبِيحِ سُنَّةُ رَسُولِ اللَّهِ تَعَالَى مُتَوَجِّهًا إِلَى جِهَةِ
الْكَعْبَةِ الشَّرِيفَةِ اللَّهُ أَكْبَرُ

তাহাজ্জুদের নামায

তাহাজ্জুদ আরবী শব্দ, অর্থ রাত জাগা, ঘুম থেকে উঠা। কুরআনে আল্লাহ তায়ালা এরশাদ করেন- **وَمِنَ اللَّيْلِ فَتَهَجَّدْ بِهِ نَافِلَةً لَّكَ عَسَىٰ أَن يَبْعَثَكَ رَبُّكَ مَقَامًا مَّحْمُودًا** হে রাসূল! আপনি রাতের কিছু অংশ তাহাজ্জুদ পড়ুন। এটা আপনার জন্য অতিরিক্ত দায়িত্ব। আশা করা যায় আপনার প্রতিপালক আপনাকে প্রতিষ্ঠিত করবেন প্রশংসিত স্থানে।^{১৬৮৪}

পাঁচ ওয়াক্ত নামায ফরয হওয়ার পূর্বে সূরা মুযযাম্মিলের প্রথম আয়াতাতংশ **قُمِ اللَّيْلَ إِلَّا** দ্বারা তাহাজ্জুদের নামায ফরয ছিল। পরবর্তীতে যখন পাঁচ ওয়াক্ত নামায ফরয হয় তখন তাহাজ্জুদের ফরযিয়ত বিলুপ্ত হয় তবে অতিরিক্ত সুন্নত হিসাবে বহাল রয়েছে। ফরয নামায যেমন পাঁচওয়াক্ত পড়ে পঞ্চাশ ওয়াক্তের সাওয়াব পাওয়া যায় অনুরূপ তাহাজ্জুদ নফল বা সুন্নাত হলেও এতে ফরযের সমতুল্য সাওয়াব পাওয়া যায়। সাধারণত দিনের

১৬৮২. আবু দাউদ, ইবনে মাজাহ এবং অনুরূপ আবু রাফে থেকে ইমাম বায়হাকী, দাওয়াতে কবীর গ্রন্থে ও ইমাম তিরমিযী (র.) সূত্র: মিশকাত, পৃ-১১৭, হাদিস নং-১২৪৮

১৬৩. গুনিয়াতুত তালাবীন, সূত্র: বাহারে শরীয়ত, খণ্ড-৪, পৃ-২৮ ও দৈনন্দিন জীবনে ইসলাম, বা.ই.ফা, পৃ-২৭৯

১৬৮৪. সূরা বনী ইসরাঈল, আয়াত-৭৯

নফল নামাযের চেয়ে রাতের নফল নামাযের সাওয়াব বেশী। হযরত আবু হোরাযরা (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি **أَفْضَلُ الصَّلَاةِ بَعْدَ الْمَرْصُوعَةِ** থেকে বর্ণিত, তিনি বলেন, আমি রাসূল ﷺ কে বলতে শুনেছি **أَفْضَلُ الصَّلَاةِ بَعْدَ الْمَرْصُوعَةِ** ফরয নামাযের পর সর্বাপেক্ষা শ্রেষ্ঠ নামায হল রাতের নামায।^{১৬৮৫} এর অনেক কারণ আছে। তন্মধ্যে অন্যতম কারণ হল- রাতের নামাযে লোক দেখানো থাকেনা। একাগ্রতা থাকে বেশী। আরাম ত্যাগ করে নাফসের বিরুদ্ধে জিহাদ করা হয় এবং বিশেষ করে শেষ রাতে আল্লাহ নিকটবর্তী আসমানে এসে বান্দাহকে আহ্বান করেন। তাই প্রায় সকল মুত্তাকী, পরহেযগার, সুফি সাধকগণ সর্বদা এই নামায আদায় করতেন। বিশেষ করে নবী করিম ﷺ নিয়মতিভাবে এই নামায আদায় করতেন। কোন কারণে তাঁর এই নামায অনাদায় থেকে গেলে তিনি ফজর ও যোহরের মধ্যবর্তী সময়ে এর পরিবর্তে বার রাকাত নামায পড়ে নিতেন। মুসলিম শরীফে হযরত আয়েশা (রা.) থেকে বর্ণিত আছে- **«كَانَ إِذَا فَاتَتْهُ الصَّلَاةُ مِنَ اللَّيْلِ مِنْ أَنْ رَسُولَ اللَّهِ صَلَّى اللَّهُ عَلَيْهِ وَسَلَّمَ»** রাসূল ﷺ ব্যাথা বা অন্য কোন কারণে যদি রাতের (তাহাজ্জুদের) নামায পড়তে না পারতেন, তবে তিনি দিনে বার রাকাত নামায পড়ে নিতেন।^{১৬৮৬}

শেষ রাতে ঘুম থেকে উঠে তাহাজ্জুদের নামায পড়তে হয়। এ নামায দু'রাকাত করে চার, আট এবং বার রাকাত পড়া যায়। রাসূল ﷺ ঘুম থেকে উঠে মিসওয়াক ও উযু করে তাহাজ্জুদ পড়তেন। তিনি তাহাজ্জুদ নামাযে দীর্ঘক্ষণ সময় অতিবাহিত করতেন। হযরত মুগীরা (রা.) থেকে বর্ণিত, তিনি বলেন- **قَامَ النَّبِيُّ صَلَّى اللَّهُ عَلَيْهِ وَسَلَّمَ حَتَّى تَوَرَّمتْ** নবী করিম ﷺ তাহাজ্জুদের নামাযে এত দীর্ঘক্ষণ যাবৎ দাঁড়ালেন তাঁর পাদদ্বয় ফুলে গেল। যখন তাঁকে বলা হল আপনি এরূপ কেন করেন? আল্লাহ তো আপনাকে পূর্বাপর গুনাহ মাফ করে দিয়েছেন। উত্তরে তিনি বললেন, আমি কি আল্লাহর কৃতজ্ঞ বান্দা হব না?^{১৬৮৭}

হযরত আবু উমামা (রা.) থেকে বর্ণিত, তিনি বলেন, রাসূল ﷺ এরশাদ করেন- **عَلَيْكُمْ بِقِيَامِ اللَّيْلِ فَإِنَّهُ ذَابُّ الصَّالِحِينَ قَبْلَكُمْ، وَهُوَ قُرْبَةٌ إِلَى رَبِّكُمْ، وَمَكْفَرَةٌ لِلْسَّيِّئَاتِ، وَمَنْهَاجٌ لِلْإِثْمِ** তোমরা রাতের (তাহাজ্জুদের) নামাযকে আবশ্যিক করে নেবে। কেননা এটা হচ্ছে তোমাদের পূর্বেকার সৎ লোকদের নিয়ম। তোমাদের জন্য প্রতিপালকের নৈকট্য লাভের

^{১৬৮৫} আহমদ, সূত্র: মিশকাত, পৃ-১১০, হাদিস নং-১১৬৪

^{১৬৮৬} মুসলিম শরীফ, হাদিস নং ১৬৪০

^{১৬৮৭} বুখারী ও মুসলিম, সূত্র: মিশকাত পৃ: ১০৮-৯, হাদিস নং-১১৪৯

পহ্লা, গুনাহ মাফের উপায় এবং অপরাধ থেকে বাধাদানকারী।^{১৬৮৮} হযরত আবু সাঈদ খুদুরী (রা.) থেকে বর্ণিত, তিনি বলেন, রাসূল ﷺ এরশাদ করেন- তিন ব্যক্তির উপর আল্লাহ তায়ালা খুশী হন, (১) যখন সে রাতে (তাহাজ্জুদের) নামায পড়ার জন্য উঠে, (২) মুসল্লিরা যখন নামাযের জন্য কাতার বাধে এবং (৩) সৈন্যদল যখন শত্রুর সাথে যুদ্ধ করার জন্য সারিবদ্ধ হয়।^{১৬৮৯} হযরত আবু মালিক আশআরী (রা.) থেকে বর্ণিত, তিনি

বলেন, রাসূল ﷺ এরশাদ করেন- **إِنَّ فِي الْجَنَّةِ غُرَفًا يُرَى ظَاهِرُهَا مِنْ بَاطِنِهَا، وَبَاطِنُهَا مِنْ ظَاهِرِهَا أَعَدَّهَا اللَّهُ لِمَنْ أَلَانَ الْكَلَامَ وَأَطْعَمَ الطَّعَامَ وَتَابِعُ الصِّيَامَ وَصَلَّى بِاللَّيْلِ وَالنَّاسُ نِيَامٌ** জান্নাতে এমন উন্নত মানের বালাখানা রয়েছে যার ভিতর থেকে বাইরে এবং বাহির থেকে ভিতরে দেখা যায়। আল্লাহ তায়ালা তা নির্মাণ করেছেন ঐ ব্যক্তির জন্য যে নম্র কথা বলে, যে ক্ষুধার্তকে খাবার দেয়, যে নিয়মিত রোযা রাখে এবং যে রাতে নামায পড়ে যখন মানুষ ঘুমে থাকে।^{১৬৯০}

عَنْ ابْنِ عُمَرَ قَالَ قَالَ رَسُولُ اللَّهِ ﷺ، رَكَعَتَانِ يَرْكَعُهُمَا الْعَبْدُ فِي جَوْفِ اللَّيْلِ الْآخِرِ لَهُ مِنَ الدُّنْيَا وَمَا فِيهَا وَلَوْ لَا أَنْ أَشَقَّ عَلَى أُمَّتِي لَفَرَضْتُهُمَا عَلَيْهِمْ .

হযরত ইবনে ওমর (রা.) থেকে বর্ণিত, তিনি বলেন, রাসূল ﷺ এরশাদ করেন- বান্দা শেষ রাতে দু'রাকাত নামায পড়া পার্থিব সবকিছুর চেয়ে উত্তম। যদি এটা আমার উম্মতের উপর আমি ভারী মনে না করতাম তাহলে তাদের উপর ঐ দু'রাকাত নামায ফরয করে দিতাম।^{১৬৯১}

নিয়্যত:

نَوَيْتُ أَنْ أَصَلِّيَ لِلَّهِ تَعَالَى رَكَعَتَي صَلَوةِ التَّهَجُّدِ سُنَّةَ رَسُولِ اللَّهِ ﷺ تَعَالَى مُتَوَجِّهًا إِلَى جِهَةِ الْكَعْبَةِ الشَّرِيفَةِ اللَّهُ أَكْبَرُ

আইয়্যামে বীযের রোযার ফযিলত

عَنْ عَلِيٍّ بْنِ أَبِي طَالِبٍ رَضِيَ اللَّهُ تَعَالَى عَنْهُ قَالَ قَالَ رَسُولُ اللَّهِ ﷺ الصَّوْمُ يَوْمَ ثَلَاثِ عَشَرَ يَعْدِلُ صِيَامَ ثَلَاثَةِ أَلْفِ سَنَةٍ وَالصَّوْمُ رَابِعَ عَشَرَ يَعْدِلُ صَوْمَ عَشْرِ أَلْفِ سَنَةٍ وَمَنْ صَامَ يَوْمَ خَامِسِ عَشَرَ يَعْدِلُ صَوْمَ مِائَةِ أَلْفِ سَنَةٍ .

^{১৬৮৮} তিরমিযী, সূত্র: মিশকাত, পৃ-১০৯, হাদিস নং-১১৫৬

^{১৬৮৯} শরহুস সুন্নাহ, সূত্র: মিশকাত, পৃ-১০৯, হাদিস নং-১১৫৭

^{১৬৯০} বায়হাকী, শুআবুল ইমান, তিরমিযী, হযরত আলী (রা.) হতে, সূত্র: মিশকাত, পৃ-১০৯, হাদিস নং-১১৬১

^{১৬৯১} ইবনে শাহীন (র.) (২৮৫ হি), আত তারগীবু ফি ফাযায়েলুল আ'মাল, খণ্ড-১, পৃ-১২০, হাদিস নং-৫৫৯

হযরত আলী (রা.) থেকে বর্ণিত, তিনি বলেন, রাসূল ﷺ এরশাদ করেন, তের তারিখের রোযা তিন হাজার বছর রোযা রাখার সমান, চৌদ্দ তারিখের রোযা দশ হাজার বছর রোযা রাখার সমান এবং যে ব্যক্তি রোযা রাখবে পনের তারিখে সে একশ হাজার বছর রোযা রাখার সমান সাওয়াব পাবে।^{১৬৯২}

عَنْ جَرِيرَةَ قَالَ قَالَ رَسُولُ اللَّهِ ﷺ صِيَامُ ثَلَاثَةِ أَيَّامٍ مِنْ كُلِّ شَهْرٍ أَيْ ثَالِثِ عَشَرَ وَرَابِعِ عَشَرَ وَخَامِسِ عَشَرَ يَعْدِلُ صَوْمَ الدَّهْرِ كُلِّهِ .

হযরত জারীররা (রা.) থেকে বর্ণিত, তিনি বলেন, রাসূল ﷺ এরশাদ করেন, প্রতি মাসের তিন দিনের রোযা তথা তের, চৌদ্দ ও পনের তারিখের রোযা সারা জীবনের রোযার সমান।^{১৬৯৩}

قَالَ رَسُولُ اللَّهِ ﷺ مَنْ صَامَ ثَلَاثَةَ أَيَّامٍ مِنَ الشَّهْرِ فَصَامَ الدَّهْرَ

রাসূল ﷺ এরশাদ করেন, যে ব্যক্তি মাসের মধ্যে তিন দিন রোযা রাখবে, সে যেন সারা জীবন রোযা রাখল।^{১৬৯৪}

عَنْ بْنِ عَبَّاسٍ قَالَ كَانَ رَسُولُ اللَّهِ ﷺ لَا يَدْعُ صِيَامَ الْإَيَّامِ الْبَيْضِ فِي سَفَرٍ وَلَا حَضَرٍ

হযরত ইবনে আব্বাস (রা.) থেকে বর্ণিত, রাসূল ﷺ আইয়্যামে বীযের তথা চান্দ্র মাসের তের, চৌদ্দ ও পনের তারিখের রোযা কখনো পরিত্যাগ করতেন না, সফর অবস্থায় হোক বা মুকীম অবস্থায় হোক।^{১৬৯৫}

عَنْ عُمَرَ بْنِ الْخَطَّابِ رَضِيَ اللَّهُ عَنْهُ قَالَ سَمِعْتُ رَسُولَ اللَّهِ ﷺ يَقُولُ مَنْ ثَلَاثَةَ أَيَّامٍ مِنْ كُلِّ

شَهْرٍ وَصَلَّى رَكْعَتَيِ الْفَجْرِ وَلَمْ يَنْزِلِ الْوَيْتَرِ فِي سَفَرٍ وَلَا حَضَرٍ كُتِبَ لَهُ أَجْرُ شَهِيدٍ

হযরত ওমর ইবনে খাত্তাব (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি, যে ব্যক্তি প্রতি মাসে তিনদিন রোযা রাখবে, ফজরের দু'রাকাত নামায আদায় করবে এবং সফরে কিংবা হাজরে বিতর নামায বাদ দেবে না তার জন্য শহীদের সাওয়াব লিখা হবে।^{১৬৯৬}

হযরত আবু হোরাযরা (রা.) বলেন, রাসূল ﷺ আমাকে তিনটি কাজের ওসীয়াত করেছেন, যা আমি আমার জীবনে কখনো ছাড়ব না। সাহাবায়ে কিরামগণ জিজ্ঞাসা করলেন, ঐ তিনটি কাজ কি কি? উত্তরে আবু হোরাযরা (রা.) বলেন, প্রতি মাসে তিনটি রোযা রাখা, ঘুমানোর পূর্বে বিতর আদায় করা এবং এশরাকের নামায পড়া। রাসূল ﷺ বলেছেন, হে আবু হোরাযরা এই তিনটি কাজ ছেড়ে দিওনা, এইগুলো বড় নেয়ামত।^{১৬৯৭}

^{১৬৯২}. মাওলানা রমযান ইবনে মুহাম্মদ, ফাযায়েলুশ শুহুরে ওয়াস সিয়াম, পৃ. ৫৮, লাহোর।

^{১৬৯৩}. প্রাগুক্ত, পৃ. ৫৯

^{১৬৯৪}. প্রাগুক্ত, পৃ. ৫৯

^{১৬৯৫}. প্রাগুক্ত, পৃ. ৫৯

^{১৬৯৬}. প্রাগুক্ত, পৃ. ৫৯

^{১৬৯৭}. প্রাগুক্ত, পৃ. ৫৯-৬০

হযরত আলী (রা.) বলেন, একদিন আমি রাসূল ﷺ'র কাছে গেলাম এবং তাঁর পাশে বসা ব্যক্তিকে সালাম করলাম। রাসূল ﷺ আমাকে বললেন, হে আলী! ইনি জিব্রাইল (আ.), তুমি কাছে এসো। জিব্রাইল তোমাকে সালাম দিচ্ছেন। অতঃপর আমি রাসূল ﷺ ও জিব্রাইল (আ.)কে সালাম দিলাম। এরপর রাসূল ﷺ আমাকে বললেন, হে আলী! জিব্রাইল তোমাকে বলছেন যে, তুমি যেন প্রতি মাসে তিনটি রোযা রাখ। প্রথম রোযায় তোমার জন্য দশ হাজার রোযার সাওয়াব লিপিবদ্ধ করা হবে। দ্বিতীয় রোযায় বিশ হাজার এবং তৃতীয় রোযায় একশ হাজার রোযার সাওয়াব লিপিবদ্ধ করা হবে।

হযরত আলী (রা.) বলেন, আমি রাসূল ﷺ কে জিজ্ঞাসা করলাম এই সাওয়াব কি শুধু আমার জন্য নাকি সকলের জন্য? উত্তরে তিনি বললেন, হে আলী! আল্লাহ তায়ালা এই সাওয়াব দিচ্ছেন তোমাকে এবং যে কেউ তোমার ন্যায় এই আমল করবে তাকেও এই প্রতিদান দেয়া হবে। তখন হযরত আলী (রা.) জিজ্ঞাসা করলেন, হে আল্লাহর রাসূল! ঐ রোযাসমূহ কখন রাখব? উত্তরে তিনি বললেন, আইয়্যামে বীয়ে তথা প্রতি চান্দ্র মাসের তের, চৌদ্দ ও পনের তারিখ রাখবে।^{১৬৯৮}

আইয়্যামে বীয়ের নামকরণ

‘বীয’ শব্দটি بِيض থেকে উৎপত্তি। এর অর্থ শুভ্র। সাধারণত চান্দ্র মাসের তের, চৌদ্দ ও পনের তারিখে চাঁদের পূর্ণতা প্রকাশ পায় এবং এ সময় চাঁদের আলো উজ্জ্বল থাকে। তাই এই তারিখ সমূহকে আইয়্যামে বীয তথা শুভ্রদিন সমূহ বলে আখ্যায়িত করা হয়।

এ ব্যাপারে হযরত আব্দুল মালিক (র.)'র পিতা বলেন, আমি হযরত আলী (রা.) কে এই দিনসমূহকে আইয়্যামে বীয রাখার কারণ সম্পর্কে জিজ্ঞাসা করলে উত্তরে তিনি বলেন, যখন আল্লাহ তায়ালা হযরত আদম (আ.)কে জান্নাত থেকে পৃথিবীতে প্রেরণ করেন তখন সূর্যের তাপে তার পুরো শরীর কালো হয়ে গেল। অতঃপর হযরত জিব্রাইল (আ.) এসে বলেন, হে আদম! আপনি কি চান আপনার শরীর শুভ্র হোক। উত্তরে আদম (আ.) বললেন, হ্যাঁ। তখন জিব্রাইল (আ.) বলেন, তাহলে আপনি প্রতি মাসে তিনটি তথা তের, চৌদ্দ ও পনের তারিখে রোযা রাখুন। হযরত আদম (আ.) প্রথম দিন তের তারিখে রোযা রাখলে তাঁর শরীরের এক তৃতীয়াংশ সাদা হয়ে যায়। তারপর চৌদ্দ তারিখে দ্বিতীয় রোযা রাখলে তাঁর শরীরের দুই তৃতীয়াংশ সাদা হয়ে যায়। অতঃপর পনের তারিখে তৃতীয় রোযা রাখলে তাঁর শরীরের পুরো অংশ সাদা হয়ে গেল। তাই এই দিনগুলোর নাম রাখা হয়েছে আইয়্যামে বীয।

হযরত আব্দুল্লাহ ইবনে মাসউদ (রা.) বলেন, আমি রাসূল ﷺ কে জিজ্ঞাসা করলাম আইয়্যামে বীয সম্পর্কে। উত্তরে তিনি বললেন, যখন হযরত আদম (আ) অবাধ্য হয়ে নিষিদ্ধ বৃক্ষের গন্দম গোটা খেয়েছেন, তখন আল্লাহর পক্ষ থেকে ওহী আসল যে, হে আদম! তুমি আমার নিকট থেকে নিচে নেমে যাও। আমার ইজ্জত ও জালালিয়তের শপথ! যে আমার অবাধ্য হবে সে কখনো আমার দয়াপ্রাপ্ত হয় না। অতঃপর আদম (আ.) পৃথিবীতে আসলেন আর তার সারা শরীর কালো বর্ণ হয়ে গিয়েছিল। ফলে সকল ফেরেশতা এই বলে কান্না করতে লাগলেন যে, হে পরওয়ার দিগার। আপনি নিজের কুদরতী হাতে হযরত আদম (আ.)কে সৃজন করেছেন এবং স্থান দিয়েছেন তাঁকে জান্নাতে আর সকল ফেরেশতা দিয়ে তাকে সিজদা করিয়েছেন। কিন্তু একটি মাত্র ভুলের বিনিময়ে তাঁর শুভ্রতাকে কালো রং দ্বারা পরিবর্তন করে দিয়েছেন। হযরত আদম (আ.)ও লজ্জিত হয়ে সিজদায় গিয়ে কান্নাকাটি করছেন। অতঃপর আল্লাহ তায়ালা ওহী পাঠালেন যে, হে আদম! তুমি চাঁদের তের তারিখ রোযা রাখ। তিনি ঐদিন রোযা রাখার ফলে তাঁর শরীরের প্রথমাংশ সাদা হয়ে গেল। পুনরায় আল্লাহ ওহী পাঠালেন যে, হে আদম! চৌদ্দ তারিখও রোযা রাখ। তিনি সেই দিন রোযা রাখলেন ফলে সেই দিন তাঁর শরীরের মধ্যভাগ সাদা হয়ে গেল। তারপর আল্লাহ ওহী পাঠালেন, হে আদম! পনের তারিখও রোযা রাখ। তিনি পনের তারিখ রোযা রাখলেন। সেই দিনই শরীরের নিম্নভাগ সাদা হয়ে গেল আর এ কারণেই এই দিনগুলোর নাম রাখা হয়েছে আইয়্যামে বীয করে। রাসূল ﷺ এরশাদ করেন, যে ব্যক্তি আইয়্যামে বীযের রোযাসমূহ রাখতে পারবে না সে যেন প্রতি মাসে অন্তত তিনটি রোযা অবশ্যই রাখে। তিনি আরো বলেন, مَنْ صَامَ يَوْمَ الْأَرْبَعَاءِ وَالْخَمِيسِ وَالْجُمُعَةِ بَنَىٰ اَللّٰهُ تَعَالٰی لَهُ قَصْرًا فِي الْجَنَّةِ مِنْ لَوْلُؤَةٍ يَأْتُونَ وَزُمُرْدٍ وَكَتَبَ اللّٰهُ تَعَالٰی لَهُ بَرَاءَةً مِنَ النَّارِ বুধ, বৃহস্পতি ও শুক্রবার রোযা রাখবে আল্লাহ তায়ালা তার জন্য জান্নাতে এমন অট্টালিকা তৈরী করে রাখবেন যা ইয়াকুত ও জমরদ অতি মূল্যবান পাথর দ্বারা নির্মিত এবং আল্লাহ তায়ালা তার জন্য জাহান্নামের আগুন থেকে মুক্তিপত্র লিখে রাখবেন।^{১৬৯৯}

হযরত আনাস (রা.) থেকে বর্ণিত, রাসূল ﷺ এরশাদ করেন مَنْ صَامَ ثَلَاثَةَ أَيَّامٍ عَنْ كُلِّ شَهْرٍ الْخَمِيسَ وَالْجُمُعَةَ وَالسَّبْتَ كَتَبَ اللّٰهُ لَهُ عِبَادَةً تِسْعَ مِائَةِ سَنَةٍ অর্থাৎ যে ব্যক্তি প্রতি মাসে বৃহস্পতি, শুক্র ও শনিবার তিনদিন রোযা রাখবে আল্লাহ তায়ালা তার জন্য নয়শ বছর ইবাদতের সাওয়াব লিপিবদ্ধ করবেন।^{১৭০০}

^{১৬৯৯} . মাওলানা রমযান ইবনে মুহাম্মদ, ফাযায়েলুশ শুহর ও ওয়াস সিয়াম, পৃ. ৬২, লাহোর

^{১৭০০} . প্রাপ্তজ্ঞ

সাপ্তাহিক দিন-রাতের নফল নামায

শনিবার দিনের নামায

عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى يَوْمَ السَّبْتِ أَرْبَعَ رَكَعَاتٍ يقرأ فِي كُلِّ رَكَعَةٍ فَاتِحَةَ الْكِتَابِ مَرَّةً وَقُلْ يَا أَيُّهَا الْكَافِرُونَ ثَلَاثَ مَرَّاتٍ فَإِذَا فَرَغَ مِنْ صَلَوَتِهِ وَسَلَّمَ فَقَرَأَ بَعْدَهُ آيَةَ الْكُرْسِيِّ كَتَبَ اللَّهُ تَعَالَى لَهُ بِكُلِّ حَرْفٍ حَجَّةً وَعُمْرَةً وَدَفَعَ لَهُ بِكُلِّ حَرْفٍ أَجْرُ سَنَةٍ صِيَامُ نَهَارِهَا وَقِيَامُ لَيْلِهَا وَأَعْطَاهُ اللَّهُ بِكُلِّ حَرْفٍ ثَوَابَ شَهِيدٍ فَهُوَ كَانَ تَحْتَ ظِلِّ الْعَرْشِ مَعَ النَّبِيِّينَ وَالشَّاهِدِينَ .

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি শনিবারে চার রাকাত নামায এভাবে পড়বে- প্রত্যেক রাকাতে সূরা ফাতিহা একবার এবং সূরা কাফিরুন তিনবার। অতঃপর নামায শেষে সালাম দেবে এরপর আয়াতুল কুরসী পাঠ করবে তবে আল্লাহ তায়ালা তার জন্য প্রতি হরফের বিনিময়ে একটি হজ্ব ও ওমরার সমপরিমাণ সাওয়াব লিপিবদ্ধ করবেন। প্রতি হরফের বিনিময়ে এক বছর দিনে রোযা রাখার এবং এক বছর রাতে নামায পড়ার সাওয়াব প্রদান করবেন। আর আল্লাহ তায়ালা তাকে প্রতি হরফের বিনিময়ে একজন শহীদের মর্যাদা দান করবেন। কিয়ামত দিবসে সে নবী ও শহীদগণের সাথে আল্লাহর আরশের ছায়ায় স্থান পাবে।^{১৭০১}

শনিবার রাতের নামায

عَنْ أَنَسِ بْنِ مَالِكٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى لَيْلَةَ السَّبْتِ بَيْنَ الْمَغْرِبِ وَالْعِشَاءِ اثْنَيْ عَشْرَةَ رَكَعَةً بَنَى اللَّهُ تَعَالَى لَهُ قَصْرًا فِي الْجَنَّةِ وَكَانَ ثَوَابُهُ عَلَى كُلِّ مُؤْمِنٍ مُؤْمِنَةٍ وَتَبَرُّ مِنَ الْيَهُودِيَّةِ وَكَانَ حَقًّا عَلَى اللَّهِ تَعَالَى أَنْ يَغْفِرَ لَهُ .

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি শনিবার মাগরিব ও এশার মধ্যবর্তী সময়ে বার রাকাত নফল নামায পড়বে, আল্লাহ তায়ালা তার জন্য জান্নাতে একটি মহল নির্মাণ করবেন আর যেন সকল মু'মিন নর-নারীকে সাদকা করল এবং ইহুদীয়তের প্রতি অসন্তোষ হলো। তাছাড়া তাকে ক্ষমা করে দেয়া আল্লাহর দায়িত্ব হয়ে যায়।^{১৭০২}

^{১৭০১}. মাওলানা রমযান ইবনে মুহাম্মদ, ফাযায়েলুশ শুহুদ ওয়াসসিয়াম, উর্দু, লাহোর, পৃ. ৬৪

^{১৭০২}. প্রাণ্ডক্ত, পৃ. ৭১

রবিবার দিনের নামায

عَنْ أَبِي هُرَيْرَةَ قَالَ قَالَ رَسُولُ اللَّهِ ﷺ مَنْ صَلَّى يَوْمَ الْاِحْدِ اَرْبَعٍ رَكْعَةً يَقْرَأَ فِي كُلِّ رَكْعَةٍ فَاتِحَةَ الْكِتَابِ وَامِنَ الرَّسُولِ مَرَّةً كَتَبَ اللَّهُ تَعَالَى لَهُ بِعَدَدِ كُلِّ نَصْرٍ اِنِّي وَنَصْرَانِيَّةٍ حَسَنَاتٍ وَاَعْطَاهَا ثَوَابَ نَبِيِّ وَكَتَبَ لَهُ حَجَّةً وَغُمْرَةً وَكَتَبَ لَهُ بِكُلِّ رَكْعَةٍ اَلْفَ صَلَوةٍ اِلَى اٰخِرِ الْحَدِيثِ .

হযরত আবু হোরায়ারা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি রবিবারে চার রাকাত নামায এভাবে পড়বে প্রতি রাকাতে সূরা ফাতিহা ও আমানার রাসূলু... পড়বে আল্লাহ তার জন্য সকল খৃস্টান নারী পুরুষের সমান নেকী লিপিবদ্ধ করবেন এবং আল্লাহ তাকে নবীর সাওয়াব দান করবেন। তার জন্য হজ্জ ও ওমরার সাওয়াব লিপিবদ্ধ করবেন এবং প্রতি রাকাতের বিনিময়ে তার জন্য এক হাজার রাকাতের সাওয়াব লিপিবদ্ধ করবেন-----।

নবী করীম ﷺ আরো এরশাদ করেন, যে ব্যক্তি রবিবারে যোহরের পর (ফরয ও সুন্নাতে) চার রাকাত নামায পড়বে এভাবে- প্রথম রাকাতে সূরা ফাতিহা ও সূরা আলিফ লাম মীম সিজদা এবং দ্বিতীয় রাকাতে সূরা ফাতিহা ও সূরা মূলক পড়ে তাশাহুদ পড়ে সালাম ফিরাবে। অতঃপর দাঁড়িয়ে পুনরায় দুই রাকাত পড়বে। এতে উভয় রাকাতে আলহামদু'র সাথে সূরা জুমা পড়ে সালাম ফিরিয়ে নামায শেষ করে যে কোন উদ্দেশ্যে দোয়া করবে আল্লাহর তার উদ্দেশ্যপূর্ণ করবেন এবং তার দোয়া আল্লাহ কবুল করবেন।^{১৭০৩} অন্য বর্ণনায় আছে আল্লাহ তায়ালা সব ধরনের বালা মুছিবত থেকে তাকে রক্ষা করবেন এবং শত্রু ও হিংসুকদের অনিষ্ট থেকেও মুক্ত রাখবেন।^{১৭০৪}

রবিবার রাতের নামায

عَنْ اَنَسِ بْنِ مَالِكٍ قَالَ قَالَ رَسُولُ اللَّهِ ﷺ يَقُولُ مَنْ صَلَّى لَيْلَةَ الْاِحْدِ عِشْرِينَ رَكْعَةً يَقْرَأَ فِي كُلِّ رَكْعَةٍ الْحَمْدُ لِلَّهِ مَرَّةً وَقُلْ هُوَ اللَّهُ اَحَدٌ خَمْسِينَ مَرَّةً وَالْمُعَوِّذَتَيْنِ مَرَّةً مَرَّةً اِلَخ .

হযরত আনাস ইবনে মালিক (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি রবিবারে বিশ রাকাত নামায পড়বে- প্রতি রাকাতে আলহামদু একবার, কুলছ আল্লাছ আহাদ পঞ্চাশবার এবং সূরা ফালাক ও সূরা নাস একবার করে পড়বে আর সালাম ফিরানোর পর নিজের এবং নিজের পিতা-মাতার জন্য একশবার ইস্তেগফার পড়বে অতঃপর রাসূল ﷺ'র উপর দুরুদ প্রেরণ করবে এরপর নিম্নোক্ত দোয়া পাঠ

^{১৭০৩}. গুনিতাতুত তালেবীন

^{১৭০৪}. প্রাগুক্ত পৃ. ৬৫

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ أَدَمَ صَفْوَةَ اللَّهِ وَفِطْرَتَهُ وَإِبْرَاهِيمَ خَلِيلَ اللَّهِ عَزَّ وَجَلَّ وَمُوسَى كَلِيمَ اللَّهِ وَعِيسَى رُوحَ اللَّهِ وَمُحَمَّدَ اللَّهِ حَبِيبُ اللَّهِ

অতপর আল্লাহর দরবারে দোয়া করবে, তবে নিশ্চয় তার দোয়া কবুল করা হবে। অসংখ্য সাওয়াবের অধিকারী হবে এবং তাকে নবীগণের সাথে জান্নাতে প্রবেশ করা হবে।^{১০৫}

সোমবার দিনের নামায

عَنْ جَابِرِ بْنِ عَبْدِ اللَّهِ قَالَ قَالَ رَسُولُ اللَّهِ ﷺ مَنْ صَلَّى يَوْمَ الْاِثْنَيْنِ عِنْدَ ارْتِفَاعِ الشَّهَارِ رَكْعَتَيْنِ يقرأ فِي كُلِّ رَكْعَةٍ فَاتِحَةَ الْكِتَابِ مَرَّةً وَآيَةَ الْكُرْسِيِّ مَرَّةً وَقُلَّ هُوَ اللَّهُ أَحَدٌ مَرَّةً وَالْمُعَوِّذَتَيْنِ مَرَّةً مَرَّةً فَإِذَا اسْتَغْفَرَ اللَّهُ عَشْرَ مَرَّاتٍ وَصَلَّى عَلَى النَّبِيِّ ﷺ عَشْرَ مَرَّاتٍ غَفَرَ اللَّهُ ذُنُوبَهُ كُلَّهُ .

হযরত জাবির ইবনে আব্দুল্লাহ (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি সোমবারে দিনের বেলায় (সূর্যোদয়ের কিছুক্ষণ পর) দুই রাকাত নফল নামায এভাবে পড়বে- প্রতি রাকাতে সূরা ফাতিহা একবার, আয়াতুল কুরসি ও সূরা ইখলাস একবার এবং সূরা ফালাক ও সূরা নাস একবার করে পড়বে। সালাম ফিরানোর পর **اَسْتَغْفِرُ اللهَ رَبِّي مِنْ كُلِّ ذَنْبٍ وَاتُوبُ اِلَيْهِ** দশবার পড়বে এরপর নবী করিম ﷺ'র উপর দুরূদ শরীফ প্রেরণ করবে, আল্লাহ তায়ালা তার গুনাহসমূহ ক্ষমা করে দেবেন।^{১৭০৬}

রাসূল ﷺ এরশাদ করেন, যে ব্যক্তি সোমবারে যে কোন সময়ে কিংবা সূর্য কিছুটা উপরে উঠার পর দু'রাকাত নামায এভাবে পড়বে- প্রতি রাকাতে সূরা ফাতিহা শরীফের পর আয়াতুল কুরসী একবার পাঠ করবে। নামায শেষে বার বার সূরা ইখলাস, বার বার ইস্তেগফার পাঠ করবে, কিয়ামতের দিন আল্লাহ তায়ালা তাকে এভাবে আহবান করবে- অমুকের ছেলে আমার বান্দা কোথায়? আমার কাছে এসো। আমি তাকে অশেষ নিয়ামত দান করব। ফলে সে আল্লাহর নিকটে যাবে এবং আল্লাহ তাকে জান্নাতের হাজার পোশাকও হাজার জান্নাতী মুকুট পরিধান করাবেন। তার সাথে অসংখ্য ফেরেশতা থাকবে, যারা তাকে জান্নাতে নিয়ে যাবেন এবং জান্নাতে তাকে সুউচ্চ স্থান দান করবেন।^{১৭০৭}

১৭০৫. মাওলানা রমযান ইবনে মুহাম্মদ, ফাযায়েলুশ শুহুর ওয়াস নিয়াম, লাহোর, পৃ. ৭১

১৭০৬. প্রাগুক্ত, পৃ. ৬৬।

১৭০৭. প্রাগুক্ত, পৃ. ৬৬

সোমবার রাতের নামায

عَنْ أَنَسِ بْنِ مَالِكٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى فِي لَيْلَةِ الْاِثْنَيْنِ اَرْبَعَ رَكَعَةٍ يَقْرَأُ فِي الرُّكَعَةِ الْاُولَى الْحَمْدَ لِلَّهِ مَرَّةً وَقُلْ هُوَ اللَّهُ اَحَدٌ عَشْرَ مَرَّةً وَفِي الرُّكَعَةِ الثَّانِيَةِ الْحَمْدُ لِلَّهِ مَرَّةً وَقُلْ هُوَ اللَّهُ اَحَدٌ عَشْرَيْنَ مَرَّةً وَفِي الرُّكَعَةِ الثَّالِثَةِ بَعْدَ الْحَمْدِ لِلَّهِ قُلْ هُوَ اللَّهُ اَحَدٌ ثَلَاثِينَ مَرَّةً وَفِي الرُّكَعَةِ الرَّابِعَةِ الْحَمْدُ مَرَّةً وَقُلْ هُوَ اللَّهُ اَحَدٌ اَرْبَعِينَ مَرَّةً ثُمَّ تَشْهَدُ وَسَلِّمَ وَبَعْدَ قَرَأَ هُوَ اللَّهُ اَحَدٌ خَمْسًا وَسَبْعِينَ مَرَّةً وَاسْتَغْفِرُ اللَّهُ تَعَالَى لِنَفْسِهِ وَلِوَالِدَيْهِ خَمْسًا وَسَبْعِينَ مَرَّةً سَأَلَ حَاجَتَهُ فَكَانَ حَقَّهُ عَلَى اللَّهِ تَعَالَى اَنْ يُعْطِيَهُ سُوْالَهُ .

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি সোমবার রাতে চার রাকাত নামায পড়বে, প্রথম রাকাতে একবার সূরা ফাতিহা। দশবার সূরা ইখলাস। দ্বিতীয় রাকাতে সূরা ফাতিহা একবার, সূরা ইখলাস বিশ বার, তৃতীয় রাকাতে সূরা ফাতিহা একবার, সূরা ইখলাস ত্রিশবার এবং চতুর্থ রাকাতে সূরা ফাতিহা একবার, সূরা ইখলাস চল্লিশবার পড়বে। অতঃপর তাশাহুদ পড়ে সালাম ফিরাবে। এরপর সূরা ইখলাস পঁচাত্তর বার, ইস্তেগফার পঁচাত্তর বার পাঠ করবে নিজের ও নিজের পিতা-মাতার জন্য। অতঃপর পঁচাত্তর বার দুর্রুদ শরীফ প্রেরণে করবে রাসূল ﷺ'র উপর এবং আল্লাহর কাছে প্রার্থনা করবে। তাহলে তার প্রার্থনা কবুল করা এবং তার চাহিদাপূর্ণ করা আল্লাহ তায়ালা দায়িত্ব হয়ে যায়।^{১৭০৮}

عَنْ أَبِي اُمَامَةَ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى لَيْلَةَ الْاِثْنَيْنِ رَكَعَتَيْنِ يَقْرَأُ فِي كُلِّ رَكَعَةٍ فَاتِحَةَ الْكِتَابِ مَرَّةً وَقُلْ هُوَ اللَّهُ اَحَدٌ خَمْسُ عَشْرَ مَرَّةً وَيَقْرَأُ بَعْدَ التَّسْلِيمِ خَمْسَ عَشْرَ مَرَّةً اِيَةَ الْكُرْسِيِّ وَاسْتَغْفِرُ اللَّهَ خَمْسَ عَشْرَ مَرَّةً جَعَلَ اللَّهُ تَعَالَى اِسْمُهُ فِي اَصْحَابِ الْجَنَّةِ وَاِنْ كَانَ مِنْ اَصْحَابِ النَّارِ وَغُفِرَ لَهُ ذُنُوبُ الْعَالَمِيَّةِ وَكُتِبَ لَهُ بِكُلِّ اِيَةٍ قَرَأَهَا حَجَّةٌ وَعُمْرَةٌ وَاِنْ مَاتَ مَا بَيْنَ الْاِثْنَيْنِ اِلَى الْاِثْنَيْنِ مَاتَ شَهِيدًا .

হযরত আবু উমামা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি সোমবার রাতে দু'রাকাত নামায এভাবে পড়বে, প্রত্যেক রাকাতে সূরা ফাতিহা একবার এবং সূরা ইখলাস পনের বার পাঠ করবে আর সালাম ফিরানোর পর আয়াতুল কুরসী পনের বার এবং ইস্তেগফার পনের বার। আল্লাহ তায়ালা তার নাম জান্নাতীদের তালিকাভুক্ত করে দেবেন যদিও সে জাহান্নামী হয়ে থাকে। আর আল্লাহ তায়ালা তার

সমস্ত প্রকাশ্য গুনাহ ক্ষমা করে দেবেন এবং তার পঠিত প্রতি আয়াতের বিনিময়ে আল্লাহ তায়ালা তাকে একটি হজ্ব ও একটি ওমরার সমপরিমাণ সাওয়াব দান করবেন। আর যদি সে ব্যক্তি এই সোমবার থেকে পরবর্তী সোমবারের মধ্যে মৃত্যু বরণ করে তবে সে শহীদ হিসেবে মৃত্যু বরণ করবে।^{১৭০৯}

মঙ্গলবার দিনের নামায

عَنْ أَنَسِ بْنِ مَالِكٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى يَوْمَ الثَّلَاثِ عَشَرَ رَكَعَاتٍ عِنْدَ ارْتِفَاعِ النَّهَارِ يَقْرَأُ فِي كُلِّ رَكَعَةٍ فَاتِحَةَ الْكِتَابِ مَرَّةً وَآيَةَ الْكُرْسِيِّ مَرَّةً وَقُلَّ هُوَ اللَّهُ أَحَدٌ ثَلَاثَ مَرَّةٍ لَمْ يَكُتُبْ عَلَيْهِ خَطِيئَةٌ إِلَى سَبْعِينَ يَوْمًا فَإِنْ مَاتَ إِلَى سَبْعِينَ يَوْمًا مَاتَ شَهِيدًا وَغُفِرَ لَهُ ذُنُوبُ سَبْعِينَ سَنَةً .

হযরত আনাস ইবনে মালিক (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি মঙ্গলবারে দিনের বেলায় দশ রাকাত নামায এভাবে পড়বে, প্রত্যেক রাকাতে একবার সূরা ফাতিহা, একবার আয়াতুল কুরসী এবং তিনবার সূরা ইখলাস পাঠ করবে। তাহলে সত্তর দিন পর্যন্ত তার কোন গুনাহ লিপিবদ্ধ করা হবে না। যদি সে ব্যক্তি ঐ সত্তর দিনের মধ্যে মৃত্যুবরণ করে, তবে সে শহীদ হিসেবে মৃত্যুবরণ করবে এবং সত্তর বছরের গুনাহ মাফ করে দেয়া হবে।^{১৭১০}

মঙ্গলবার রাতের নামায

قَالَ رَسُولُ اللَّهِ ﷺ مَنْ صَلَّى لَيْلَةَ الثَّلَاثِ اثْنَيْ عَشَرَ رَكَعَةً يَقْرَأُ فِي كُلِّ رَكَعَةٍ فَاتِحَةَ الْكِتَابِ مَرَّةً وَإِذَا جَاءَ نَصْرُ اللَّهِ خَمْسَ مَرَّةٍ بَنَى اللَّهُ تَعَالَى لَهُ فِي الْجَنَّةِ بَيْتًا عَرْضُهُ وَطُولُهُ وَسِعَ الدُّنْيَا سَبْعَ مَرَّةٍ .

রাসূল ﷺ এরশাদ করেন, যে ব্যক্তি মঙ্গলবার রাতে বার রাকাত নামায পড়বে, প্রতি রাকাতে একবার সূরা ফাতিহা, পাঁচ বার সূরা নাসর পড়বে। আল্লাহ তায়ালা তার জন্য জান্নাতে এমন একটি ঘর নির্মাণ করবেন, যার দৈর্ঘ্য ও প্রস্থ পৃথিবীর সাতগুণ সমান হবে।^{১৭১১}

বুধবার দিনের নামায

عَنْ مُعَاذِ بْنِ جَبَلٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى يَوْمَ الْارْبَعَاءِ اثْنًا عَشَرَ رَكَعَةً عِنْدَ ارْتِفَاعِ النَّهَارِ يَقْرَأُ فِي كُلِّ رَكَعَةٍ فَاتِحَةَ الْكِتَابِ وَآيَةَ الْكُرْسِيِّ مَرَّةً وَقُلَّ هُوَ اللَّهُ أَحَدٌ ثَلَاثَ مَرَّاتٍ وَالْمُعَوِّذَتَيْنِ ثَلَاثَ مَرَّاتٍ الْخ .

^{১৭০৯}. প্রাগুক্ত, পৃ. ৭৩

^{১৭১০}. প্রাগুক্ত, পৃ. ৬৬

^{১৭১১}. প্রাগুক্ত, পৃ. ৭৩

হযরত মুয়াব ইবনে জাবল (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি বুধবারে দিনের বেলায় বার রাকাত নামায পড়বে। প্রতি রাকাতে একবার সূরা ফাতিহা ও আয়াতুল কুরসী পড়বে এবং তিনবার সূরা ইখলাস, তিনবার সূরা ফালাক ও সূরা নাস পড়বে। তাকে আরশের নিকটে অবস্থানরত ফেরেশতারা এই বলে আহ্বান করবে- হে আল্লাহর বান্দা! তুমি সেই আমলকে ভালভাবে পালন করেছ, ফলে আল্লাহ তোমার গুনাহ ক্ষমা করে দিয়েছেন। তোমার কবর আযাবও ক্ষমা করে দিয়েছেন এবং আল্লাহ তায়ালা তোমার অন্ধকার কবরকে আলোকিত করে দেবেন।^{১৭১২}

বুধবার রাতের নামায

قَالَ النَّبِيُّ ﷺ مَنْ صَلَّى لَيْلَةَ الْارْبِعَاءِ رَكَعَتَيْنِ يقرأُ فِي أَوَّلِ رَكْعَةٍ فَاتِحَةَ الْكِتَابِ مَرَّةً وَقُلْ اَعُوذُ بِرَبِّ الْفَلَقِ عَشْرَ مَرَّةً وَفِي الرُّكْعَةِ الثَّانِيَةِ فَاتِحَةَ الْكِتَابِ مَرَّةً وَقُلْ اَعُوذُ بِرَبِّ النَّاسِ عَشْرَةَ مَرَّةً يَنْزِلُ مِنْ كُلِّ السَّمَاءِ سَبْعُونَ أَلْفَ مَلَأَكَةٍ يَكْتُبُونَ لَهُ الثَّوَابَ إِلَى يَوْمِ الْقِيَامَةِ

নবী করীম ﷺ এরশাদ করেন, যে ব্যক্তি বুধবার রাতে দু'রাকাত নামায পড়বে। প্রথম রাকাতে একবার সূরা ফাতিহা ও দশবার সূরা ফালাক এবং দ্বিতীয় রাকাতে একবার সূরা ফাতিহা এবং দশবার সূরা নাস পড়বে। তাহলে প্রত্যেক আসমান থেকে সত্তর হাজার ফেরেশতা অবতীর্ণ করবে এবং কিয়ামত দিবস পর্যন্ত তার জন্য সাওয়াব লিপিবদ্ধ করতে থাকবে।^{১৭১৩}

বৃহস্পতিবার দিনের নামায

عَنْ ابْنِ عَبَّاسٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى يَوْمَ الْحَمِيسِ مَا بَيْنَ الظُّهْرِ وَالْعَصْرِ رَكَعَتَيْنِ يقرأُ فِي الرُّكْعَةِ الْأُولَى فَاتِحَةَ الْكِتَابِ مَرَّةً وَآيَةَ الْكُرْسِيِّ مِائَةَ مَرَّةً وَفِي الرُّكْعَةِ الثَّانِيَةِ فَاتِحَةَ الْكِتَابِ مَرَّةً وَقُلْ هُوَ اللَّهُ أَحَدٌ مِائَةَ مَرَّةً وَبَعْدَ الْفِرَاقِ يُصَلِّيَ عَلَيَّ مِائَةَ مَرَّةً أَغْطَاهُ اللَّهُ تَعَالَى ثَوَابَ مَنْ صَامَ رَجَبَ وَشَعْبَانَ وَرَمَضَانَ وَكَانَ لَهُ مِنَ الثَّوَابِ مِثْلَ حَاجِّ الْبَيْتِ الْخ .

যে ব্যক্তি বৃহস্পতিবার যোহর ও আসরের মধ্যখানে দু'রাকাত নামায পড়বে। প্রথম রাকাতে সূরা ফাতিহা একবার, আয়াতুল কুরসী একশবার এবং দ্বিতীয় রাকাতে সূরা ফাতিহার পর সূরা ইখলাস একশবার পড়বে। নামায শেষে আমার উপর একশ বার দুরূদ প্রেরণ করবে, তাহলে আল্লাহ তায়ালা তাকে রজব, শাবান ও রমযান মাসে রোযা রাখার সাওয়াব দান করবেন এবং বায়তুল্লাহ এ হজ্ব করার সাওয়াব দান করবেন।

আল্লাহর নিকট তার নাম ঈমানদার হিসাবে লিখা হয় এবং সকল মু'মিনের সংখ্যা পরিমাণ নেকী তাকে প্রদান করা হবে আর আল্লাহর কাছে তার নাম তাওয়াক্কুলকারীদের অন্তর্ভুক্ত করা হয়।^{১৭১৪}

বৃহস্পতিবার রাতের নামায

عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى لَيْلَةَ الْخَمِيسِ مَا بَيْنَ الْمَغْرِبِ وَالْعِشَاءِ رَكَعَتَيْنِ يَقْرَأُ فِي كُلِّ فَاتِحَةَ الْكِتَابِ مَرَّةً وَآيَةَ الْكُرْسِيِّ خَمْسَ مَرَّةٍ وَقُلَّ هُوَ اللَّهُ أَحَدٌ خَمْسَ مَرَّاتٍ وَالْمُعَوِّذَتَيْنِ خَمْسَ مَرَّةٍ فَإِذَا فَرَغَ مِنْ صَلَوَاتِهِ اسْتَغْفِرُ اللَّهُ خَمْسَ عَشْرَ مَرَّةً وَجَعَلَ ثَوَابَهُ لَوَالِدَيْهِ فَقَدْ أَدَّى حَقَّهُمَا وَإِنْ كَانَ عَاقِلَهُمَا وَأَعْطَاهُ اللَّهُ تَعَالَى مَا يُعْطَى الصَّادِقَيْنِ وَالشَّهَدَاءِ .

হযরত আবু হোরায়ারা (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি বৃহস্পতিবার মাগরিব ও এশার মধ্যখানে দু'রাকাত নামায এভাবে আদায় করবে, প্রতি রাকাতে সূরা ফাতিহা একবার, আয়াতুল কুরসী পাঁচবার, সূরা ইখলাস পাঁচবার এবং সূরা ফালাক ও সূরা নাস পাঁচবার করে পড়বে। নামায শেষে ইস্তেগফার পনের বার পড়ে এর সাওয়াব তার পিতা-মাতাকে বখশিশ করবে। তাহলে নিশ্চয় সে তার পিতা-মাতার হক আদায় করল। যদিও তার পিতা-মাতা দুনিয়াতে থাকাকালীন তার উপর অসন্তুষ্ট ছিলেন। আর তাকে আল্লাহ তায়ালা এমন নিয়ামত দান করবেন যা কেবল সিদ্দীক ও শহীদগণকে দেওয়া হয়।^{১৭১৫}

জুমাবার দিনের নামায

রাসূল ﷺ এরশাদ করেন, কোন মু'মিন বান্দা যদি জুমার দিন সূর্য এক তীর পরিমাণ উপরে উঠার পরে কিংবা পূর্বে উযু করে দু'রাকাত অথবা চার রাকাত দোহার নামায আদায় করবে সাওয়াবের বিশ্বাস রেখে, তাহলে আল্লাহ তায়ালা তার জন্য দুইশত নেকী লিপিবদ্ধ করেন এবং দুইশত বদী দূরীভূত করে দেবেন।

রাসূল ﷺ এরশাদ করেন, যে ব্যক্তি জুমার দিন চার রাকাত নফল নামায পড়বে সূর্য উপরে উঠার পর তাহলে আল্লাহ তায়ালা কিয়ামতের দিন তাকে জান্নাতে চারশত দরজা বুলন্দ করবেন। আর যে ঐ সময় আট রাকাত পড়বে, তাকে আল্লাহ তায়ালা জান্নাতে বহু দরজার বুলন্দ করবেন এবং তার সমস্ত পাপ মার্জনা করে দেবেন।

আর যদি কেউ ঐ সময় বাররাকাত নফল নামায পড়বে। আল্লাহ তায়ালা তার জন্য দু'হাজার নেকী দান করবেন এবং ঐ পরিমাণ গুনাহ ক্ষমা করবেন। আর এই নামায পড়বে প্রতি রাকাতে সূরা ফাতিহার পর তিনবার সূরা ইখলাস পাঠ করবে।^{১৭১৬}

^{১৭১৪}. প্রাগুক্ত, পৃ. ৬৭-৬৮

^{১৭১৫}. প্রাগুক্ত, পৃ. ৭৪

^{১৭১৬}. প্রাগুক্ত, পৃ. ৬৮-৬৯

عَنْ ابْنِ عَبَّاسٍ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ مَنْ صَلَّى يَوْمَ الْجُمُعَةِ مَا بَيْنَ الظُّهْرِ وَالْعَصْرِ رَكَعَتَيْنِ يَقْرَأُ فِي أَوَّلِ رَكَعَةٍ فَاتِحَةَ الْكِتَابِ وَآيَةَ الْكُرْسِيِّ خَمْسَ وَعَشْرِينَ مَرَّةً قُلْ أَعُوذُ بِرَبِّ الْفَلَقِ وَقُلْ أَعُوذُ بِرَبِّ النَّاسِ مَرَّةً وَفِي الرُّكَعَةِ الثَّانِيَةِ يَقْرَأُ فَاتِحَةَ الْكِتَابِ مَرَّةً وَقُلْ هُوَ اللَّهُ أَحَدٌ وَقُلْ أَعُوذُ بِرَبِّ الْفَلَقِ عَشْرِينَ مَرَّةً وَقُلْ أَعُوذُ بِرَبِّ النَّاسِ مَرَّةً فَإِذَا سَلَّمَ قَالَ لَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ خَمْسُونَ مَرَّةً فَلَا يَخْرُجُ مِنَ الدُّنْيَا حَتَّى يَرَى رَبَّهُ عَزَّ وَجَلَّ فِي الْمَنَامِ وَيَرَى مَكَانَةَ فِي الْجَنَّةِ .

হযরত আব্দুল্লাহ ইবনে আব্বাস (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি জুমার দিন যোহর ও আসরের মধ্যবর্তী সময়ে দু'রাকাত নামায পড়বে। প্রথম রাকাতে সূরা ফাতিহা একবার এবং আয়াতুল কুরসী পঁচিশবার আর সূরা ফালাক ও নাস একবার করে পাঠ করবে। দ্বিতীয় রাকাতে একবার সূরা ফাতিহা, সূরা ইখলাস এবং সূরা ফালাক বিশবার ও সূরা নাস একবার পাঠ করবে। সালাম ফিরানোর পর পঞ্চাশ বার 'লা হাওলা ওয়ালা কুওয়াতা ইল্লা বিল্লাহিল আলিয়্যিল আযীম, পাঠ করবে। সে দুনিয়া থেকে মৃত্যুবরণ করবে না যেই পর্যন্ত আল্লাহ তাঁকে স্বপ্নে জান্নাতে তার স্থান দেখাবেন। হাদিসখানা গুনিয়াতুত তালেবীন গ্রন্থেও বিদ্যমান আছে।^{১১৭}

জুমাবার রাতের নামায

عَنْ جَابِرِ بْنِ عَبْدِ اللَّهِ قَالَ قَالَ رَسُولُ اللَّهِ ﷺ مَنْ صَلَّى لَيْلَةَ الْجُمُعَةِ بَيْنَ الْمَغْرِبِ وَالْعِشَاءِ اثْنَيْ عَشَرَ رَكَعَةً يَقْرَأُ فِي كُلِّ رَكَعَةٍ فَاتِحَةَ الْكِتَابِ مَرَّةً وَقُلْ هُوَ اللَّهُ أَحَدٌ عَشْرَ مَرَّةً فَكَأَنَّمَا عَبْدُ اللَّهِ تَعَالَى اثْنَيْ عَشَرَ سَنَةً وَصَامَ نَهَارَهَا وَقَامَ لَيْلَهَا .

হযরত জাবির ইবনে আব্দুল্লাহ (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি জুমার রাতে মাগরিব ও এশার মাঝখানে বার রাকাত নফল নামায পড়বে। প্রতি রাকাতে সূরা ফাতিহা একবার, সূরা ইখলাস দশবার পাঠ করবে। সে যেন বারবছর আল্লাহর ইবাদত করল এবং বারবছর যাবৎ দিনে রোযা রাখল ও সারা রাতে নামায পড়ল।^{১১৮}

عَنْ كَثِيرِ بْنِ سَلَمَةَ وَأَنَسِ بْنِ مَالِكٍ قَالَا قَالَ رَسُولُ اللَّهِ ﷺ مَنْ صَلَّى لَيْلَةَ الْجُمُعَةِ صَلَوةَ الْعِشَاءِ الْآخِرَةِ فِي جَمَاعَةٍ وَصَلَّى بَعْدَهَا رَكَعَتَيْنِ سُنَّةٍ ثُمَّ صَلَّى بَعْدَهَا عَشْرَ رَكَعَةٍ يَقْرَأُ فِي كُلِّ رَكَعَةٍ الْحَمْدُ لِلَّهِ مَرَّةً وَقُلْ هُوَ اللَّهُ مَرَّةً وَالْمُعَوِّذَتَيْنِ مَرَّةً مَرَّةً ثُمَّ أَوْتَرَ بِثَلَاثِ رَكَعَةٍ وَنَامَ عَلَى جَنْبِهِ الْاَيْمَنِ وَجْهَهُ إِلَى الْقِبْلَةِ فَكَأَنَّمَا أَحْيَا لَيْلَةَ الْقَدْرِ .

হযরত কাসীর ইবনে সালমা ও আনাস ইবনে মালিক (রা.) থেকে বর্ণিত, তাঁরা বলেন, রাসূল ﷺ এরশাদ করেন, যে ব্যক্তি জুমার রাতে এশার নামায জামাতে আদায় করার পর দু'রাকাত সুন্নত পড়বে। অতঃপর দশ রাকাত নামায পড়বে। প্রতি রাকাতে সূরা ফাতিহা একবার, সূরা ইখলাস একবার এবং সূরা ফালাক ও সূরা নাস একবার করে পড়বে এরপর তিন রাকাত বিতর পড়বে। তারপর ডান পাশ হয়ে কিবলামুখী হয়ে শুয়ে পড়বে, সে যেন লাইলাতুল কদরকে জীবিত করল। অর্থাৎ কদর রাতে সারা রাত ইবাদত করলে যে সাওয়াব পাওয়া যাবে, সেও তত পরিমাণ সাওয়াব প্রাপ্ত হবে।^{১৭১৯}

এ মাসে ওফাতপ্রাপ্ত মনীষীগণ

■ হযরত খাজা আব্দুর রহমান চৌহরভী (র.)	১ যিলহজ্ব	১৩৪২ হিজরি
■ হযরত শাহ আমানত (র.)	১ যিলহজ্ব	
■ হযরত ইমাম মুসলিম ইবনে আকীল (র.)	৩ যিলহজ্ব	৬০ হিজরি
■ হযরত ইমাম বাকের (র.)	৭ যিলহজ্ব	
■ হযরত আবু যর গিফারী (র.)	৮ যিলহজ্ব	২৩ হিজরি
■ ইমাম দারেমী সমরকন্দী (র.)	৮ যিলহজ্ব	
■ আবুল হোসাইন আলী ইবনে আবু বকর (র.)	১৪ যিলহজ্ব	৫৯৩/৫৯৬ হিজরি
■ আল্লামা তৈয়্যব শাহ (র.)	১৫ যিলহজ্ব	১৪১৩ হিজরি
■ হযরত আবু বকর শিবলী (র.)	১৭/২৭ যিলহজ্ব	২৫৫ হিজরি
■ হযরত ওসমান (র.)	১৮ যিলহজ্ব	৩৫ হিজরি
■ হযরত নঈম উদ্দীন মোরাদাবাদী (র.)	১৮ যিলহজ্ব	১৩৬৭ হিজরি
■ হযরত মারুফ কারখী (র.)	১৯ যিলহজ্ব	
■ হযরত খান জাহান আলী (র.)	২৬ যিলহজ্ব	৮৬৩ হিজরি
■ হযরত ওমর (রা.)	৩০ যিলহজ্ব	২৩ হিজরি

সমাপ্ত